



思有以補其闕。商於元和尹共籌費四百八十金。付諸生營造之。凡置銅爵三十三、銅登一、銅劍八、簋簋二十四、邊豆百、燭臺二十四、香爐十二、燎鑪一、編鐘十六、編磬十六、侑舞之衣三十六、其琴瑟羽籥祝敔鼗鼓等。則先是諸生醵金置之。由是禮樂諸器粲然大備。或曰。孔子不云乎。禮云禮云。玉帛云乎哉。樂云樂云。鐘鼓云乎哉。先聖王制禮作樂。皆有精意存焉。非區區守其器而已也。雖然。形而上者謂之道。形而下者謂之器。道也者。寓於器而後長存者也。若謂執乎器不足以言禮樂。則舍乎器。又何以知禮樂哉。今

茲禮器既備。他時舉春秋祀典。邊豆有楚。肴核維旅。樂具入奏。神聽和平。橋門觀聽者。恍然如見洙泗之遺風焉。豈不盛歟。是舉也。長洲令俞公德淵倡其事。元和令王公有慶許公乃大助成之。承造者諸生顧家瑞徐昂尤覲宸楊珍陶亮采顧辰。例得備書。余伏處里閭。於諸生忝一日之長。幸逢其盛。敢記其事。而鐫諸壁。以備後之人稽考云。



許墅文廟記

蘇州西北三十里而近其地曰許墅有關焉

國家稽察非常並征稅之所也明時司農遣其屬專掌稅務今制則以織造使者兼領之其地四方市舶鱗次兩厓間。丞人成聚。烟火萬家。雖在郊坰之外。其景物繁昌。與郡縣等。明嘉靖九年。戶部員外郎方鵬司是闕。始於中津橋之北。創立義學。以教授生徒。即於其地廟祀至聖先師。歲時以祭。歷今二百有餘歲。不廢。近歲其地士民。因舊圖新。議加修葺。請於權使阿公。公首捐俸百金。四民踴躍。樂輸者雲集響應。塗



茨丹雘次第畢舉。土木之功既歲。重繕聖賢神位。奉  
安大殿。又釐正兩廡。從祀先賢先儒名位。悉從今制。  
殿中懸

御書扁額。殿後重建崇聖祠。及方公祠。又采形家之  
言。新建文星閣一座。兩旁樹龍門鳳池門。築泮池之  
隄。增高宮牆。門外立官民下馬牌。又考孝子及先後  
登科第者。榜其姓名於明善堂之楹。制度大備。略與  
郡縣相埒。是役也。經始於嘉慶二十年仲冬之月。暮  
而告成。諸生凌壽祺。金晉。陸廷燦等董其事。凡用金  
錢一百萬有奇。嘗思聖人之道。若日月之經天。江河

之緯地。日月光華。炳耀六合。而一微塵之細。亦無所  
不燭。江河之水。包兩戒。絡九州。而涓滴之澤。必及於  
物。故宇宙間無往而非道。即無往而非聖人之靈。爽  
所式憑也。古者黨有庠。術有序。雖十室之邑。必有學。  
學必釋奠於先聖先師。古之帝王所以崇禮教。厚風  
俗。其意若此之盛也。今

聖人御宇。尊儒崇道。臨雍講學。而園橋門觀聽者如  
見三代之隆。天下一郡一縣。無不建有文廟。設立學  
官。春秋享祀如禮。文治之盛。古今未有。茲許墅僻在  
一隅之地。而彼都人士。亦能崇廟貌。修祀典。青衿子



弟。弦。誦。於。其。中。俾。觀。者。如。身。游。洙。泗。之。間。此。非。風。俗。  
醇。樹。禮。教。昌。明。之。效。與。是。廟。興。修。者。屢。矣。均。有。舊。記。  
可。考。茲。復。志。重。修。歲。月。於。麗。牲。之。石。以。備。後。之。人。考。  
索。焉。

金壇縣重修儒學記

自釋老二氏之教興。琳宮寶刹。徧於中國。竭土木之。  
力。輪奐莊嚴。而學宮齋廡。往往上雨旁風。無人過而。  
問焉。豈斯人之心。輕吾道而重異端乎。亦無人振起。  
之爾。金壇在江淮間。為彈丸之地。自文襄于公。以狀。  
元宰相。翊輔。

聖皇。文武兼資。贊襄密勿。而金壇遂為東南望邑。然。  
文襄既沒。四十餘年。無有人繼起者。豈古今人不相。  
及耶。抑山川靈秀之氣。一盛一衰。與時消息也。嘉慶。  
二十四年。盱眙戴君開文。司教是邦。見夫學宮頽廢。



盡焉傷之。告於邑令。因舊謀新。邑中士庶踴躍將事。集費庀材。於道光元年正月興工。將聖殿兩廡。盡撤其舊材而更新之。其明倫堂尊經閣鄉賢名宦忠義孝弟七賢七君子等祠。皆次第繕完。塗墍丹雘。煥然一新。又於泮池前築宮牆一座。列東西兩坊。繚以周垣。右邊餘地。闢為射圃。又因形家言。於學宮之左。創建魁星閣一所。以為形勝。閣之東南。舊有金沙學舍。因加修葺。移尊經閣所祀文昌像於其中。凡經之營之。暮年而工始竣。戴君述其始末。俾予為之記。予生長吳下。足跡未嘗至斯邑。然自束髮讀書以來。曾見

為學官弟子。則亦忝列於孔氏門牆者也。即事有述。安敢以不文辭。竊惟聖人之教。與日月山川並垂終古。固不以廟貌之興廢為盛衰。而人之奉聖人者。高山景行。莫不嚮往。不有所寄。將何以申其瞻仰之思。此學宮之制。亦本乎斯人懿好之心。而設焉者也。方今文教昌明。薄海內外。道德一而風俗同。今天子龍飛之始。即敬題聖協時中之額。頒於直省州郡。懸諸大成殿。以示尊師重道之意。而金壇適於是時。修治文廟。殆斯邑人文興起之機乎。宰是邑者。前為貴州王君青蓮。後為浙江朱君蘭。後先繼美。捐俸



選

以為邑人之倡。而縣丞聶君心通、典史辛君聘三、各襄其事。教諭戴君開文、訓導俞君光祖暨邑之人士。皆與有勞焉。別石書名，用垂不朽。

*[Faded vertical text, likely bleed-through from the reverse side of the page]*

湯溪縣學尊經閣記

太史公曰：學者載籍極博，必考信於六藝，誠以六藝之文，皆義農堯舜三代以來聖王賢臣之言。而又經孔子所手定，凡天地苞符之祕，帝王治平之要，匹夫匹婦日用行習之事，無不於是乎在。故尊之曰經。經者，常也。萬世不易之常道也。周室衰微，處士橫議，羸氏既有天下，深惡其言，因而阮其人，燔其書。而甚乃併聖經而焚之。此則世變之不及料者矣。幸有一二抱殘守闕之士，撫拾於灰燼之餘，逮漢興而經籍復傳。蓋先聖後聖之淵源，有不可絕於天壤者矣。方今



文教昌明四海之內一州一縣無不立宣聖之廟春秋上丁以天子之禮樂祭之所以尊師重道者至矣而文廟之後必有尊經閣以藏古今圖籍俾學官弟子有所稽考於書無所不藏而必以尊經名閣者蓋以經為衆說之郭舉一經而古今圖籍無不賅焉即學官圖籍或存或亡有閣不必有經而有閣存焉必有顧名思義者因閣而求經庶幾存者可守亡者可補此亦如告朔之犧羊存而禮可復之意也信乎斯閣之不可少也浙之湯溪係新建之縣文廟既立而尊經閣尚闕焉嘉慶壬申余長子同福宰是邑因紳士之請鳩工庀材卜良辰而建之閣既成請余紀其歲月余謂是邦人士知尊經必能明道能明道則必能達於孝弟忠信之義處為良士出為名臣皆於此始基之也故樂得而述以文

文教昌明四海之內一州一縣無不立宣聖之廟春秋上丁以天子之禮樂祭之所以尊師重道者至矣而文廟之後必有尊經閣以藏古今圖籍俾學官弟子有所稽考於書無所不藏而必以尊經名閣者蓋以經為衆說之郭舉一經而古今圖籍無不賅焉即學官圖籍或存或亡有閣不必有經而有閣存焉必有顧名思義者因閣而求經庶幾存者可守亡者可補此亦如告朔之犧羊存而禮可復之意也信乎斯閣之不可少也浙之湯溪係新建之縣文廟既立而尊經閣尚闕焉嘉慶壬申余長子同福宰是邑因紳



選

重修義烏縣忠孝義祠記

古云十步之內必有芳草十室之邑必有忠信自古  
 秀民善士不擇地而生然遐陬僻壤往往寂寞無聞  
 者非無人也無人振起之也義烏地分婺女之次今  
 隸金華府秦時有孝子顏烏葬其親羣烏銜土來助  
 縣之得名由此始唐則有駱賓王為臨川尉從徐敬  
 業起兵討武曌之亂事雖不成義烈之氣炳然宇宙  
 所草檄三尺童子至今尚能誦之宋則有忠簡公宗  
 澤當靖康之難守磁州高宗潛龍在淵將赴金營過  
 磁公遮留之遂啟南渡中興之業而公留守汴京招

此處為另一頁的正文，文字因模糊而難以辨認，但可見其為多欄排版的古文。



集天下勤王兵誓師渡河請高宗回鑾圖恢復之計  
疏至二十四上為黃潛善汪伯彥所沮發憤疽生於  
背而卒然終公之世金人不再犯汴京惟公保障之  
力此三人者皆古今不世出之人皆為義烏所產則  
是邦之風俗人心固有勝於通都大邑者矣嘉慶戊  
辰余長子同福奉上官檄權知縣事請宰縣之術余  
曰縣令民之牧人也錢穀賦稅惟令是徵刑罰訟獄  
惟令是聽詰姦除暴惟令是責水旱凶荒惟令是咨  
令之為職綦重矣然皆世俗所能為也古之所謂循  
良吏惟在能教養斯民吾聞義烏人務農桑善菽植

地居溪山之間水旱不為災兩歲耕則有三歲之食  
又土產棗榴園林之利歲入二三十萬錢斯民固能  
自養矣官斯土者其以教為先務歟同福既至官邑  
人請曰縣舊有忠孝義祠建於雍正五年載在祀典  
者五十人歲久浸廢棟宇傾頽庭祀蕪穢不治懼無  
以安神靈而昭肝鬻願及時修復之於是鳩工庀材  
繕宇葺牆四郊聞風踴躍襄事既成同福率邑之人  
士落之而請余為記余曰善夫此即曩余所云教之  
一端也夫教莫先於風俗風俗之美莫重乎忠與孝  
與義忠孝義稟諸天性激而發之則人也忠如宗澤



孝如顏烏。義如駱賓王。固古今不世出之人矣。今之人猶古也。曠世相感。當亦有聞風而興起者耶。風俗人心之美。當亦有不待教而成者耶。豈惟是官斯土者樂與觀成。亦采風問俗者所聞而嘉歎者也。余不敏。方待罪史館。宣教化。勵風俗。惇史職也。故書其辭於麗牲之石。以告方來。

吳縣木瀆鎮義學記

古者家有塾。黨有庠。術有序。十室之邑。必有絃誦之聲。是以教化行而風俗美。人心感而天下和平也。三代之制。大學在國。中國之元子。與貴游子弟。皆就學焉。小學在四郊。則國人子弟之秀良者。聚乎其中。先王豈故為此瑣瑣而不憚煩哉。良以學校者。教化之本也。自古制既廢。所謂學宮者。止為春秋釋奠先師之地。而博士之庭。不聞有過而請業者。由是變而為書院。以課士。然書院止課成學之士。而殿最之童蒙。不得而入焉。則又廣而為義學。義學正古。特四郊小學。



之遺制也。夫貴游子弟地望清華，守父兄之訓，其趨於學也較易。若鄉人而不學，其愿者推魯無文，其黠者且冒上亡等，而不知罪一耨鋤而德色一箕帚而評語流極。既衰釀成世道人心之害，夫是故小學之設比之大學尤汲汲也。吳門之西有鎮曰木瀆，距城三十里而近。縣有丞駐其地，西望靈巖，高與天齊，納太湖之水，烟波萬頃，近在咫尺間。其地踞湖山之勝，居者烟火萬家，野處不樞，其秀民之能為士者亦往往而有。鎮上舊有義學以教其鄉之子弟，凡貧不能具束脩之資者皆就學焉。其室廬飲食諸費皆醵金。

以給之。事久頽廢。嘉慶十六年，縣丞李公再涑倡眾興修，由是集金錢五十五萬，存本收息以給修脯。李公是舉可謂知本矣。襄其事者皆尚義之士，不可以不志也。因為之記，而列其姓名于後。



選

長壽縣新城記

嘉慶元年。楚北奸民。倡為邪教。羣作不靖。蔓延秦蜀。所至焚掠。川東重慶屬邑。曰長壽。舊無城郭。三年冬。賊氛入境。公私廨舍。一時俱燼。積粟燬于高廩。罪人逸于園扉。邑人流亡。婦子無歸。四年三月。余自翰林出守重慶。竊維設險守國。古皇所訓。重門待暴。非城何恃。爰于下車之始。遙臻茲境。周覽原隰。相度厥基。舊治瀕江。不可營建。其迤北五六里。地名銅鼓坎。有故明廢城。其址尚在前。臨斗崖。後擁重岡。表裏鞏固。實為形勝。迺繪圖貼說。請命大府。會戎務。方殷。度支

不給事不果行。四年十二月武進余君鈺來宰是邦。謁府之日。余首以此事相屬。君至縣。期會邑人。爰究爰度。富者輸財。貧者力役。衆情翕然。踴躍子來。迺鳩工庀材。是版是築。周垣既繚。岑樓斯峙。四門洞開。百堵皆興。始事于嘉慶五年七月。至七年三月訖工。城周一千六十丈。所用工料銀二萬九千九百兩有奇。工既竣。都人士請為文以紀其事。余維百姓可與圖成。難與慮始。今茲邑人。鼙鼓無煩。金湯斯建。風俗知方。予斯可徵。是役也。余雖倡其說。而余君實成其事。教諭屈鳴介。典史呂顯松。共襄斯役。夙夜盡瘁。功皆足多。均當署名。以示方來。紳衿耆老。與有勞者。另石題名。共垂不朽。



重修圓妙觀三清殿記

蘇城圓妙觀古之天慶觀也肇基於晉咸寧中法門  
香火經今千五百餘載黃冠之士雲集於其中其大  
殿崇奉三清像重屋四檐規模大壯嘉慶二十二年  
歲在丁丑孟秋之月疾雷破柱毀其西北一隅維時  
大司寇韓公對銜恤在籍率衆捐金鳩工修治而工  
師求大木不得衆情觀望無策施工明年常熟瀕海  
漁人懸罟入水忽重不可舉竊意以為網得大魚糾  
集多人拽入福山口潮退視之非魚也大木偉然偃  
卧於沙灘之上邑人以告公命工度之其長七十尺

有奇。其直中繩。其園中規。適副所用。苟非海若。効靈斯木。何由而至。良材既得。涓吉興工。觀者色動。檀施踊躍。財力既阜。百工皆備。凡榱桷之朽蠹者。新之。瓴甃之損裂者。易之。既塗既茨。加以丹雘。美哉輪奐。頓還舊觀。山門土木。歲久毀敗。復以餘力。繕完之。是役也。經始於戊寅四月。落成於己卯九月。韓公為之倡。而董封君如蘭。蔣待詔敬等。實成其事。工既告歲。是歲十月。恭逢

天子六旬萬壽。鄉之士大夫。即其地。啟建經壇。祝釐稱慶。萬姓瞻仰。僉曰。此事實徵福於天。非人力所及。

非常盛事。當有所述。以垂於後。予謂是舉也。有三善焉。山海効靈。神木自至。可書者一。衆情鼓舞。不日觀成。可書者二。保佑申命。天子受禧。可書者三。有此三者。敢不述。以告後人。於是乎書。



選

先世祠堂記

吾家先世居丹陽。係宋學士曼卿先生之後。先高祖  
值明鼎之革。出家為僧。釋名智遠。而初名不傳。先曾  
祖君甫公。於順治二年。遷於吳門。時年纔十有三。有  
吳氏壻之於甥館。此始遷蘇州之祖也。曾祖生丈夫  
子二。長伯祖荆王公。次先祖寧周公。荆王公再傳而  
絕。寧周公生先考惠疇公。惠疇公生四男。其三皆殤。  
寂後生余。蓋寒宗之不絕也。如綫先曾祖初居飲馬  
橋。先祖居廟堂巷。先考乃移居金獅巷。則余所生之  
地也。予家世未通仕籍。執庶人之禮。祭於寢。余遭逢

此處為另一頁的正文，文字因模糊而難以辨認，但可見其為多欄排版的古文。



聖明之世。及第升朝。官於中外。食祿十有八年。泰從  
大夫之後。禮當立廟。以祀其先人。而因循未果。今余  
年已七十。勢不可再。緩爰以所居之西屋。建祠三楹。  
一廟三龕。同堂異室。奉曾祖祖考三世考妣。而婦人  
未及於世者。則祔於祖姑。其西為夾室。以藏祧主。每  
歲終。則合享焉。祠北向於陰道。為宜於禘古之宗法。  
不可行於後世也。久矣。古者諸侯世其國。大夫世其  
家。故主祭者常在大宗。而支子不祭。後世卿大夫自  
一命以上。皆選於王朝。嫡子支子。貴賤無常。夫祭用  
生者之祿。嫡子賤而支子貴。勢不可以。卿大夫之尊。

降而就庶人之祭。故禮之不可襲也。時為之也。記曰  
當其可之為時。此之謂歟。禮大夫有三廟。而今為一  
廟。不敢援世及之制也。分三室。仍存三廟之意也。後  
世子孫而卿大夫焉。守此不為。襲後世子孫而庶人  
焉。守此不為。僭名之曰石氏家祠。不敢以宗自居也。  
祠成於道光五年季夏之月。謹作記書石而登諸壁。



常熟石氏祠堂記

常熟宗人大文既卜其縣河西之地啓建家祠祠成遣孫榮奎來述其事而請為之記竊惟吾家得姓甚古春秋時其姓已散見於諸侯之邦至漢時萬石君以孝謹聞乎郡國諸子皆通顯挂名朝籍族於是乎始大今之在丹陽者以宗學士曼卿先生為始祖子與大文皆出學士之後子家自順治二年由丹陽移家吳門而大文之先有諱憲者明時由丹陽徙居常熟自憲十傳至大文有譜牒世系可考也今其族人在常熟者椒實繁衍亦各分析以居而大文所建祠



選

則自其祖丹卿公始以下子孫祔焉其他旁治者皆不及禮曰別子為祖繼別為宗繼禰者為小宗古人親盡則祧之義當如是也祠成於嘉慶二十三年大文率宗人而落之案盛豐潔牲牢不備昭其儉也祭畢而享飲酒三爵母及於亂昭其敬也凡所以尊祖敬宗收族以孝以謹猶有先人之遺風焉予與大文雖踈遠由曼卿先生推之則諸父行也嘉其行事有古人之風故樂為之記

靜寄閣記

晚香樓之東有小樓二間置几安床以為偃息之所名之曰靜寄閣客有過而問焉者曰有說乎予應之曰有易云吉凶悔吝生乎動機之動者吉一而凶悔吝居其三焉靜者動之對也故天之道靜則五行順其序四時協其紀其動也移星易宿迅雷風烈古者以為災地之道靜則九州奠其位百物遂其生其動也山崩川竭龍蛇起陸史冊書之以為宇宙之大變風之靜也導迎和氣長養庶類而動則拔木偃禾邦人大恐江湖之靜也舟行者若履平地而動則波濤



如山。檣傾楫摧。當之者死。生在呼吸之間。故人之生於世也。靜者生之門。動者死之路。嗜欲攻於內。筋力勞於外。凡一切可喜可怒可驚可懼之事。皆生於動而靜者無事也。是故有道之士。必守其靜而不妄動。吾將勉焉。客曰。靜之義。既得聞命矣。敢問何謂寄乎。笑曰。天地之間。何物非寄乎。日月星辰寄於天。山川草木寄於地。視聽言動寄於人。三才一貫之理。無物而非寄也。故天地之化。往者過而來者續。人以血肉之軀。受天地虛靈之氣。以生。一旦氣盡。則此身且消。歸於無何有之鄉矣。庸非寄乎。生人之壽。修者不過

百年。而中道夭折者。踵相接也。此其寄也。物之尤暫者也。而又何疑乎。吾以此生寄於天地之間。而塊然之身。則寄於斯閣之上。守靜而不敢妄動。以順受天之命而已矣。客去。乃筆所言以為記。



萍舫記

乾隆甲辰之歲。僕佐和州幕府。所居之屋。縱十笏。橫半之。三面皆窗。頗有肖乎舫焉者。名之曰萍舫。且為之記曰。資江河之利者。莫如舟舫。其小焉者。也。若夫乘長風。破巨浪。一日而千里。周行天下。而無不利者。必資乎萬斛之舟。而舫則褊淺卑隘。不能任重致遠。利於斷港絕潢。不利涉大川者也。然而春秋佳日。放乎湖山花月之區。有烟波之勝。而無風濤之危。彼險而此夷。彼勞而此逸矣。植物皆有根。惟萍無根。季春之月。則萍始生。汎乎清波。漂泊而無所止也。然其性



潔故泥滓不能汚。又無艷色芳香。供世人之褻玩。故不戕賊於人。而葆其生機。僕頻年浪游。初非有王事。鞅掌之責。又非同商賈趨什一之利。祇緣旅食。依人。隨其流轉。然無寵辱驚吾心。無菀枯勞吾形。雖險而實夷。雖勞而實逸。無惑乎居之有取乎舫也。九州之大。四海之遠。而余茲藐焉。中處于天地之間。若一萍之漂泊於大海。加以蕭然閒散之身。無德于人。不見其可忻也。無怨于人。不見其可憎也。又與萍適相肖也。故以舫名齋。而又以萍名吾舫。

選

翠微樓記

嘉慶十二年。余自翰林引疾南歸。卜居於杭州紫陽山之麓。紫陽山地志所謂吳山第一峯者是也。所居不盈五畝。聊以栖婦子。蔽風雨而已。宅之後有小樓三楹。當吳山之曲。諸峯三面環之。窈窕瞰人。城南女牆百雉參差。若隱若見於觚稜之外。如長川之觸微風。而生波鱗鱗。而不可窮。山木疎植。攢三而聚五。亭亭于霄霓之表。雖卧于榻而可覩也。余因題之曰翠微樓。考爾雅釋山之文。曰未及上翠微。注曰近上旁陂也。或曰山氣青縹色曰翠微。吾樓南向而諸山抱



其西南咫尺相望。若比隣。然出門數十步。即當拾級而登。由前之說。謂未及上可也。東南地氣暖。草木四時常青。山之毗吾樓者。若鬢若髻。隱約於硯席之前。春雨如沐。夏雲如蒸。秋霜不凋。冬霰不停。四時之景不同。而蔥蘢蒼蒨之色不改。由後之說。謂為山氣青縹。色亦無不可也。客或詰之曰。古稱登高能賦。卿大夫之才也。故登泰山者必窮日觀。登華嶽者必造青柯坪。以為如是而後極。天下之勝觀。子不思登峰造極。而顧有樂於未及上者。毋乃拘於墟歟。余應之曰。然吾向者嘗為蜀道之遊矣。萬山崒嶭。高可以摩青

天。其下臨不測之谿。百夫邪許。推挽懸繩。而後上。心震悸而不寧。下視城郭人民。如極樂世界。漸至其地。而後即安。吾深知夫登峯造極者之危。不如未及上之安也。其勞也不如未及上之逸也。客笑曰。有是哉。爰濡筆而為之記。



選

城南老屋記

余家故寒素。城南經史巷有老屋一所。即余初生之地也。西鄰為何翰林故宅。何名焯。學者所謂義門先生。其居與余居比屋連牆。其子孫不能守。吾先子割其宅之半以自廣。於是。有山池竹木之勝。乾隆庚戌。余以進士通籍。官京師。將移妻子入都。治裝無資。不得已。質宅於中表黃氏。歷十有六年。嘉慶乙丑。余以重慶守入覲。因告歸省墳墓。黃氏表弟紹武歸。余宅而未能償。其直也。丁卯。余再入翰林。引疾歸。而老屋蕪穢。不蔽風雨。維時長男同福官于浙。因携家就之。



卜居于紫陽山之麓。乘其隙稍稍修治故宅。且漸償黃氏之直。復拓旁屋附益之。又五年歲在壬申。始歸。孳於先世之舊居。所居之南有水一池。池上有五柳樹。皆合抱。參天。遂名之曰五柳園。柳在池北者四。池南者一。綠陰如幄。覆池上。池水常綠。西磧黃山人貽余大石。上有滌山潭三篆字。遂以名吾潭。柳陰築屋三楹。面水曰花間草堂。其西乃何氏資硯齋。彼名之以榮君貺。余不可無其實而有其名。易其名曰花韻。菴其東南有屋三間。臨水曰微波榭。榭之西有廬。若舫。環植梅樹。顏曰舊時月色。後有小閣。象柁樓。曰瑤

華閣。閣外玉蘭一樹。高與閣齊。花時如雪。積簷端。閣因樹以為名。舫之北。疊石為洞門。曰歸雲洞。洞外石中有泉。曰在山泉。洞內構屋三間。曰卧雲精舍。由此繞出花韻菴之左。東北有斗室。曰夢蝶齋。園東因何氏語。古齋舊基。改築樓五楹。落成於鞠。有黃華之候。名之曰晚香樓。樓北曰鶴壽山堂。則余先世雲留書屋故地矣。余既受朝恩。通仕籍。不可襲希夷。遊世之語。而往歲得焦山瘞鶴銘古本。寶而藏之。故摘銘首二字以名吾堂。又其北曰獨學廬。藏書二萬餘卷。其東北曰舒詠齋。童子讀書之所。其北曰微麟堂。則



先世之舊聽事也。室宇無多。聊以庇吾身焉。計余年三十五及第。登宣朝。至五十二歸田。其間一典福建鄉試。一督湖南學政。守重慶者七年。晉階潼商道。掌潼關之稅務。遷山東按察使。三權山東布政使事。凡官於中外者十有八年。曾無寸田尺宅。幾幾乎并先人之敝廬而失之。其歸也。至無以安八口。古人云。隨身衣食。仰給於官。不別治生。以長尺寸。余亦庶幾矣。今歸田七年。乃藉朋舊草堂之資。銖積而寸累。以復先人舊業。不可謂非幸也。而余年亦六十矣。我子孫若能世世守此。饘於斯。粥於斯。歌哭於斯。富貴也。無有加。貧賤也。無有損。是則余之深願也。夫。



張氏義莊記

天下風俗之美始於一鄉而又始於一家。古人有言。愛無差等。施由親始。蓋親親而後仁。民事有次序。故睦婣任恤之誼。聖王尤嘉尚焉。吾鄉自宋有范文正公創立義莊。以贍族人。迄今七百餘年。時代屢易。而范氏子姓克守其田廬墳墓。不至散而之四方者。義莊之效也。元和張君鳳德。生有至性。孝於其親。勤於治生。以居積起家。自奉儉約。而好善樂施。鄉里族人待之舉火者數十家。乾隆乙亥。吳中大饑。君出家財千金助賑。冬捨棉衣。夏施茶藥。一切善事。可以裨益於



人者。為之孜孜不倦。嘗欲捐義田以贍族人之貧乏者。未及成而謝世。今其子懋祖。紹承先志。以三千三百金於蘇城東北隅。懸橋卷置屋一所。建立義莊。置田一千畝。有奇。積其穀以潤其族人。可為善繼善述者矣。吾嘗慨夫世人專利自封。視其族人若秦人之視越人。有無不相通。緩急不相顧。曾不思祖宗之視其子孫。無非一體。水源木本之謂何。而顧若是其忍也。若張氏父子以解衣推食之心。成其展親睦族之誼。此固鄉人所宜觀型者焉。故不辭蕪陋而為之記。

選

丹陽麥舟橋記

昔吾祖曼卿先生流滯丹陽三喪不舉。范堯夫於是乎有麥舟之贈。他日吾祖歸所贈。而范公不受。迺作麥舟之橋以志其德。迄今事隔七百年矣。經斯橋者莫不誦吾祖之清芬。而感范公之高義焉。抑班生有言曰。朋友之道五。而通財不與焉。嘗見今世之通財者矣。始焉有所求而得則喜。有所求而不得則怫然怒矣。繼焉有所責而償。猶有德色也。有所責而不能償。則怨詈隨之矣。凶終隙末。忘大德而思小怨。然後知古人不通財。蓋全交之道也。若忠宣麥舟之贈。非



吾祖求之也。其歸也。忠宣未嘗責也。不寧唯是。又且從而兩讓之。此與虞芮之間。田何以異。友道若此。則財亦何不可通之。有所道也。雖百世儀型可也。舊碑漫滅不可辨。因重題其名而志之。亦而不為限制。

### 桂馨閣記

考之禮。小學在四郊。古者先王制禮。將使鄉人子弟咸服習詩書之澤。明禮教而崇信義。俾夫秀良能為士者。皆由小子以至於成人。誠盛典也。曩時吾鄉有六門義學。凡貧家子弟均得入學讀書。乾隆間有太守雅公。名雅爾哈善。歸併義學。改作平江書院。而六門之學遂廢。夫書院之設。意非不美也。然必成學之士始能入院肄業。童稚不與焉。則書院不如義學。作人之廣明矣。然義學即不廢。亦僅僅惠及於東隣西舍而



家居稍遠者勢不能來學則培養所及亦屬無  
幾此安槎徐君桂馨閣之義塾所由設也間嘗  
繹其規條積衆善姓所捐之金存貯塾中公局  
凡鄉人子弟貧而無力從師者報名於塾每節  
由局代致束修之資仍由本家自行擇師春秋  
二仲月初三日集衆子弟考課之讀書者驗其  
書之生熟作文者課其文之優劣優者獎之不  
率教者罰之或子弟不能讀書而習他業亦聽  
其父兄自行擇師而助其費可謂法良意美矣  
孟子曰幼吾幼以及人之幼若徐君者真能視

他人子弟如其子弟多方教育以至於成人可  
不謂難哉因撰此記以示鄉人今巡撫程公榜  
其堂曰有教無類郡守李公亦榜其堂曰存心  
養性是賢大夫樂道人之善者也例皆得書



金氏頤園記

金君履白婁東之髦士也讀書積學工於詩其生平孝弟睦婣敦行不怠嘗以宗祠未立自視闕然道光辛巳之歲構得城南黃氏小山堂故址築室安主以為祖宗栖神之所又拓其旁地作小園壘石為山引泉為池一竹一石必親為相度而經營之園有老桂數十株連蜷蟠鬱因仍其舊名曰小山有故宗伯孫公岳頌之題字存焉中有虛堂取晦堂禪師與山谷老人問答之義名之曰無隱山館壘石為岡曰仙人巖有



峰昂然突出曰小獅峰池水一泓澄鮮深碧池  
上有磯可以濯足可以垂釣取莊生之語名之  
曰知魚磯其他若軒若舫若橋若洞曰檻者曰  
圃者曰榭者皆映帶左右足以助視聽之娛總  
名之曰娛暉小墅先生既歸道山哲似菘薌司  
訓踵其舊迹而修葺之徵記於予吾聞先生之  
始創斯園也縣大夫林君龍光過而落之榜曰  
頤園予因思夫頤之時義大矣哉禮曰百年曰  
期頤頤也者養也謂人生天地之間以百年為  
期然必善自養而後能至斯期也易曰頤貞吉

養正則吉也蓋養之為義非飲食宴樂之謂必  
也優游乎道德之途饜飫乎詩書之澤以此自  
養亦以此養人然後能守貞而逢吉也今菘薌  
能讀父書以敦厚退讓教其子孫斯協乎以善  
養人之義而紹承家法庶幾斯人與斯園皆不  
朽也是為記



靈巖山崇報寺舍利壇記

吳城之西四十里而近有山曰靈巖其山四旁無岡巒相接巋然特立於霄霓之表山之巔有井二冬夏水常滿其深不可測洵天地之奧區山川之靈府也山上有宰波曷舊藏佛舍利二顆明神宗二十二年雷火自塔心出塔中材木皆成灰燼而舍利一顆僅存寺僧收而藏之匱外人不得見也道光壬辰寺僧教修心懷教定等檢點故藏獲一木函舍利在焉有湘洲居士顧君沅謀所以奉安而供養之者乃絡以金絲



綴以銀鐘護以琉璃之匣其明年三月主僧達  
墉於大殿之東建舍利壇而尊藏之啟道場七  
晝夜其舍利六時轉動放大光明五色雲氣現  
於山頂海衆觀者人人殊相皆歡喜贊歎以為  
不可思議吾嘗考舍利之所由來昔者釋迦文  
佛滅度于雙樹下自以三昧火荼毗其身有舍  
利無算有阿育王運其神力一夕造成八萬四  
千塔散布十方世界一塔一舍利其在震旦者  
一十有九今他處不可考惟在鄞縣阿育王祠  
者最顯於世余往歲為四明之遊嘗兩至祠中

初次見舍利大如蓮實黃金色又有白金一綫  
緣其上二次見一金荷葉如錢大彼時曾作公  
紀其事今來觀靈巖舍利則如一大櫻桃其色  
正赤其光閃爍不定則與阿育王祠舍利同夫  
佛自滅度至今將三千年而靈異昭著若此夫  
豈偶然耶余因思夫道之在天下也三教同原  
乃今天竺之俗不能習中國聖人之書而釋教  
轉流行於中國者所謂固天縱之將聖非人力  
所能迎距也或者不察乃欲著言說以闢之多  
見其不知量而已矣即今靈巖聖跡近在咫尺



自遭鬱攸之劫歷二百餘年至今始顯豈非時節因緣自有定數天寔為之耶凡夫何幸覩此勝因爰識其緣起以示方來

觀世音菩薩銅像靈應記

道光壬辰之歲自夏徂秋雨澤愆期大田龜城百官有司禱於山川雷雨之祠靡神不舉罔有感應顧子湘洲告余曰光福虎山寺有觀世音銅像一尊自宋元明以來禱雨祈晴無不靈應予因言於中丞林公公即於七月二十五日遣官迎像至郡奉安於天宮寺衆官焚香致敬三日而雨初一日又雨至初五日大雨滂沱一晝夜四鄉霑足溝澮皆盈田禾有欣欣向榮之意歲事轉歎為豐百姓踴躍歡聲徧於四野其像



既寅餞歸山而衆情思慕無已彼寺中別有摹刻一石顧子乃拓本裝潢懸諸天宮文室以慰在城海衆隨喜之願予因考諸志乘此像自趙宋康定元年出於土中時方大旱禱之而應及元至正間淫雨為災禱之亦應明宣德間大旱禱之又應皆刻石紀載信而有徵則斯像之有感即應非偶然也夫國以民為本民以食為天旱乾水溢民將無食菩薩以無邊法力救災恤患成此不可思議功德其護國佑民為何如耶崇飾其廟貌虔修其香火國家禮亦宜之因著

此記以示邦人



嘉興楞嚴寺經坊記

嘉興楞嚴寺之有經坊也。自紫柏大師始也。明時藏經板秘在內府。外人祈請甚難。師故發願重刻。改梵本為方冊。以便流傳。初定章程。徑山藏板。楞嚴發經。各出矢言。以要永久。其後紹述無人。道場頽廢。楞嚴所設經坊。有名無實。而徑山所藏經板。亦朽蠹過半。識者傷之。吾鄉彭編修蘊輝。家世樂善。早耽淨業。與其婦翁故相吳公璫。發願修補。請會一上人住。般若堂主其事。適餘杭令張公吉安。亦吾鄉善士也。將徑山經板。盡送楞嚴寺。由會公清釐之。而殘缺已多。



不成卷帙。間有捐刻者。機緣未廣。弗克集事。其時彭  
編修已棄世。會師乃致書吳公。白其由。并購樣本寄  
京。吳公乃與都門士大夫之修淨業者。鳩集多金。翻  
刻新板一分。寄歸楞嚴寺中。其時方丈主僧為竹庵  
觀公。列架度閣。募工刷印。偶有關失。隨時修補。於是  
方丈冊經文頓還舊觀。竊維世間一切事。皆有時節。因  
緣。方紫柏大師初立經坊於般若堂。與禪堂並建。彼  
此不相涉。故當會公在堂。結集經板時。方丈謁如和  
尚。不與其事。而因緣未至。會公受彭編修之託。苦心  
勞慮。越十有餘年。其事迄用無成。今謁公會公先後

棄世。而經板適剞劂工竣。自北來南。觀公乃身任經  
坊之事。由是般若堂與方丈合而為一。有仔肩之  
無掣肘之憂。紫柏一燈復光明於既燼之餘。大教流  
傳。其在斯時。歟。予往來於楞嚴山門十有五年矣。昔  
悲會公之賁志以歿。今幸觀公之克受其成也。因述  
其始末而為之記。



吾與菴鐘樓記

支研山之麓有靜室焉曰吾與菴向為寒石大師  
栖之地師既圓寂其孫心誠上人居之庵向時無鐘  
道光初元邑人陸君士宏發願鑄鐘鐘既成諸善姓  
醵金建樓於山門之左樓兩層高三仞有奇懸鐘其  
上懸之日海眾雲集引椎發聲鏗然遠聞或曰招提  
之室必有鐘何也予應之曰閻浮提世界其人以耳  
浴故觀世音菩薩以聞思入道而慈悲普度眾生於  
中華最為靈感試思音本無相何以云觀蓋聞性在  
心聲入則心通聲從虛空來與心相感不啻有相之



可觀焉。鐘為金，椎為木。金木皆無聲，以椎擊鐘則聲生。謂聲出於椎而椎本無聲，謂聲出於鐘而鐘非椎不鳴。然則鳴者鐘也，所以鳴者非鐘也。人也。大叩大鳴，小叩小鳴。若飲於海者，隨其量而受之，因應之機微妙甚深。杜子美云：欲覺聞晨鐘，令人發深省。夫鐘亦何與於人而發省哉？其中必有感焉。爾因作頌曰：萬事本黃鐘，金為八音長。寂然太虛中，忽發微妙音。颯颯大海潮，鯨喙而鼉吼。衆生含覺性，聲入則心通。聞性不在耳，亦不離耳根。聞聲而不知，乃是妄聽者。所以大法王，以聲音說法。世間聞聲者，一切大歡喜。

吾與菴後記

由蘇州府治西行一舍，有山曰支硎。晉林公之道場所在也。其旁有靜室曰吾與菴。澄谷大師自天台來，卓錫於此。其地在于平陸，四山環之。東望靈巖，西接天平。寒山諸峯，曠如真如。信方外栖真福地。菴中大殿，供釋迦文佛，有金塗塔在焉。殿後屋三楹，彭尺木居士顏之曰披雲草堂。西廂曰雲外室，東有小閣曰見山閣。因其與靈巖相望而得名。澄師先後居此三十年，常以清靜無為為本。澄師既化，其孫心誠上人紹承祖德，閉戶清修。海衆皈依，善緣輻輳。於道光初在



佛殿東南築鐘樓一座朝暮發微妙音令人發省又  
於三年在披雲草堂之後建大悲寶閣五楹中奉西  
方三聖西奉大悲菩薩又積檀施之餘置膳田五十  
三畝以為常住餽粥之資於是道場規模粗具考是  
庵為善音庵故基歲久荒廢自澄師來止改名曰吾  
與庵吾因細繹吾與之義昔仲尼有言曰吾非斯人  
之徒與而誰與聖人悲天憫人必欲四海六合之人  
盡登康樂和平之域而後已而釋迦文佛自光音天  
降生淨飯王家廣說清淨正法除衆生一切苦惱非  
孔氏悲憫天人之意與大悲菩薩立願普度衆生亦  
此意也然則大悲閣之建猶是澄師吾與之義也若  
心誠上人可謂紹隆無替者矣林子衍源向有庵言  
今就近年所增益作後記



之義。書曰殲厥渠魁，亦此義也。今之人不察，既不辨  
奎與魁之名，又不辨魁與文昌之位。信道士之說，辨  
為怪怪奇奇之像，羣天下而奉之。儒者尤加謹焉，吾  
憫其愚也。故縷縷說之。

此意通於大悲關之與魁，其意亦同。而向者  
今者亦非無所不至，其意亦同。而向者  
今者亦非無所不至，其意亦同。而向者



洞庭東山席氏先世圖譜記

洞庭東山席氏自唐武衛將軍溫由關中避黃巢之亂移家南來迄今將及千載其間或以仕宦或以經商散而至四方者雖有其人而山中子姓尚羣萃州處蔚為望族吳中世澤之久長無有出其右者蕙生孝廉余老友也其為人也恂恂然謹言慎行束脩自厲有古君子之風此冊序其先世譜牒溯其始祖得姓之由在春秋時有伯廩為晉正卿典籍因以籍為氏其見於春秋時者若籍偃籍談皆是也至楚漢時避項籍之名改籍為席遂流傳至今唐以前世次不



及詳自武衛將軍至蕙生則第三十五世宗系名氏  
釐然可考又繪武衛將軍及其二十七世孫洙以下  
九世遺像彙集一冊而以己身課子圖附於尾此其  
尊祖敬宗之心可謂勤矣禮曰上治祖禰尊尊也下  
治子孫親親也自譜學之不講士大夫有數典而忘  
其祖者矣今世能知水源木本之義者幾人哉尊祖  
敬宗如蕙生可以為難矣

崇真道士畫像記

自譜學之亡搢紳先生每數典而忘其祖三世以  
有不能舉其名字者矣葉竹虛尊師既輯崇真宮祖  
德錄復追摹其先十七世之像彙為此卷以儒者之  
道言之此亦葛藟本根之義也此可以厚風俗而勸  
人心非徒為崇真一時之盛事而已師介吾與菴心  
誠上人持卷索予言因題數語而歸之



選

祁陽廖氏宗祠記

祁陽廖生元魁元旭兄弟皆余所取士也。歲在乙卯，余受替將行，生兄弟不遠千里，追攀道周，殷然修相見之禮。既見，以宗祠之記請。案生家自其曾祖發元以降，至今五世，皆同居共爨，食指以百數。生叔某主家，一門雍睦，內外無違言。距所居百步而外，建宗祠一區，奉安先世神主。其祠經始于庚戌，而落成于癸丑。歲時祀享，集羣從子姓于其中，拓旁屋為家塾。延經業師各一人，凡廖氏子孫皆就學其中，而姻黨子弟秀良者亦得附焉。嗚呼！宗誼之衰久矣，其弊起於

居土人皆奉宗平言因賦幾部而觀之  
 入以非知悉其處一轉之風亦而世世  
 世前以世世傳為本縣之宗祠也所以  
 身親其地其墓其夫十女世之新章也  
 宗直直士畫新記  
 自前學之心辭轉生世其地也其具  
 宗直直士畫新記



庸人各私其財而秦越其族人其族人亦以貧富相  
耀貴賤相形事有緩急寧呼號求援于異姓之人平  
居宗黨絕跡不相往來饑寒不相恤患難不相救甚  
至轉徙出鄉覲面或不相識比比也曾不思水有源  
而木有本親親之殺雖有等差而祖宗視其子孫孰  
非一體豈不願其同歡共感百世相守勿失歟行葦  
之詩廢而宗族之誼衰俗之媮也亦卿大夫之耻也  
傳曰尊祖故敬宗敬宗故收族今廖氏世居祁陽祁  
陽為楚南荒僻之壤文教未盛非有鄉先生為之典  
型而其宗獨能五世同居敦尊祖敬宗之文而毋忘  
收族之義又于其間教養子弟俾成人小子共知禮  
教孝弟以躋于秀良而廣其桑梓敬恭之誼此正  
斯土者所當誘掖獎勸以成其事者也雖不我告猶  
將表章焉乃允兩生之請而為之記



辰州虎谿書院記

書院古之學校也。學校之制。試有程。錄有額。士之登進者。但据乎文辭。一日之長。其員額既多。勢不能盡。居齋廡而所為師者。皆循年而叙。需次而選。蹉跎遲暮之年。拚擋衣食之計。故其先生不必皆能師。其弟子不必皆能學。亦事勢之無如何者也。事勢既然而當事者不可聽其然。於是變而為書院之設。大而都會小。而郡邑莫不以是為造就人才之地。擇先進之學行有聞者為之師。簡後生之俊秀有造者為之弟子。列舍而居。分餼而食。晝考夕稽。月會歲要。尚有古



者。黨。庠。州。序。之。遺。意。焉。然。則。居。今。日。而。論。教。民。之。術。  
當。必。自。書。院。始。矣。辰。州。古。黔。中。之。地。也。其。在。湖。南。為。  
邊。郡。苗。民。雜。居。士。風。不。振。登。賢。書。者。僅。矣。甲。第。則。久。  
無。聞。焉。通。人。達。士。又。無。論。也。雲。間。陳。公。廷。慶。守。是。邦。  
憫。其。俗。之。喬。野。而。士。之。偃。蹇。也。思。所。以。鼓。舞。而。作。興。  
之。城。西。舊。有。虎。谿。書。院。廼。因。舊。謀。新。率。先。經。始。邦。人。  
踴。躍。不。日。告。成。既。成。擇。師。儒。定。膏。火。規。畫。經。費。簡。郡。  
之。殷。實。醇。謹。者。董。其。事。凡。為。久。遠。計。者。至。周。至。悉。乾。  
隆。甲。寅。春。余。以。按。部。校。士。至。辰。適。逢。院。之。落。成。以。已。  
為。請。余。因。於。公。事。畢。後。親。至。其。地。則。見。夫。楣。宇。高。軒。

林。木。蔚。秀。講。堂。中。植。齋。舍。外。環。背。山。面。水。氣。象。一。新。  
諸。生。萃。處。其。中。絃。誦。之。聲。相。聞。也。凡。事。盛。衰。消。長。  
有。其。機。斯。辰。人。興。起。之。機。乎。勸。學。博。誨。亦。使。者。責。也。  
敢。不。叙。述。所。由。以。告。方。來。原。夫。辰。之。有。虎。谿。書。院。也。  
肇。建。有。明。維。時。陽。明。先。生。歸。自。龍。場。過。辰。與。諸。生。講。  
學。於。斯。既。去。而。諸。生。思。之。刻。像。尸。祝。香。火。至。今。弗。替。  
院。之。以。虎。谿。名。蓋。州。人。之。志。也。吾。聞。古。者。太。上。立。德。  
其。次。立。功。其。次。立。言。是。之。謂。不。朽。先。生。尊。孔。門。大。學。  
之。傳。闡。孟。氏。良。知。之。訓。靖。寧。藩。之。亂。以。安。宗。社。平。思。  
田。之。寇。以。定。蠻。荒。古。人。不。朽。者。三。先。生。一。身。兼。之。此。



其德性堅定。功烈炳然。固不特語言文字已也。諸生肄業於此。以讀書稽古之心。進而求明體達用之學。將見人傑則地靈。必有鍾山川清淑之氣。而出者安見荒陬僻壤之士。必不勝於通都大邑間耶。詩曰。高山仰止。景行行止。吾將與諸生共勗焉。如以為離經辨志。敬業樂羣。不過梯榮階進之津梁也。則諸生之志荒矣。是為記。

選

小西厓記

循德勝門而東百餘武。有遊觀之所。曰積水潭。明文正公之故居在焉。今其阨弗可考。然地處都城西偏。而在水之涯。則所謂西厓者。當在此矣。又折而東南百步。曰李公橋。則因文正之居而名之者也。今大司成梧門先生之居在松樹街。距李公橋百武而近。乃自顏其齋曰小西厓。豈於文正有嚮往之心。歟。竊嘗論士之不朽於世者有三。曰功名。曰氣節。曰文章。而功名氣節待文章。而後傳。故著述之事。雖賢者亦倦倦焉。文正生明代之末流。事康陵之闇主。奸璫熒



竈於內。強藩。弄兵於外。其勢岌岌不可終日。而公委蛇政府。未嘗建一策。發一慮。致當時有伴食中書之譏。凡古大臣功名氣節無可副者。似乎其人不足多也。或曰。當劉瑾用事。怒士人之不與已也。思欲盡其類。鋤而去之。若劉公健。謝公遷。相繼引去。公獨在。帝左右維持而保護之。當是時。微公在。國家之善類盡矣。如斯言。則公又大有造於一時。賢士大夫者也。其信然耶。孔子曰。三人行必有我師。文正事迹。或嘉之。或議之。均之。可以為後賢之龜鏡者也。若其文章。爾雅訓辭。深厚當七子。頽波之際。獨能黜偽存真。雍容揄揚。俾先民矩矱不墜於地。此固一朝之燕許也。儒者讀書論世。往往藉古人之文章。以求其功名氣節。今讀文正之書。師其所能者。而求其所未副者。庶幾先生之志乎。覃溪翁先生既為先生題榜。某遂承命而為之記。



菩提菴西院興修記

昔達摩祖師以天竺香至王子從般若多羅尊者受  
如來正法眼尊者傳衣授記而說偈曰果滿菩提圓  
花開世界起遂名之曰菩提達摩又曰吾滅度六十  
七載汝當往震旦設大法藥汝所化之方獲菩提者  
不可勝數師以是因緣而入中國維時蕭梁武帝方  
崇佛道欣然啓請機緣不契師遂北至嵩山少林寺  
終日面壁默坐蓋師初意本在江南以時節因緣未  
至不得已渡江而北也逮五傳至宏忍大師門下南  
能北秀頓漸分宗並稱六祖然衣法所傳畢竟以曹



溪為嫡派子孫故後南宗之盛滿天下而北宗寢微  
焉然南朝四百八十寺今存者無幾祖庭興廢所貴  
紹隆有人吾鄉菩提禪院開山于有宋皇祐舊名臻  
福寺性復和尚所創始也明天啟中有西蜀無為學  
公卓錫於此演說菩提真覺妙義遂易今名至  
國朝分為中東西三院後中院無人其道場歸入東  
院而西院則有性堅益公安隱清修緇素敬仰廼于  
乾隆乙丑之歲營建山門大殿道章熙公繼起復于  
丙申歲初建大悲寶閣丙午歲今沛蒼潤公又建見  
音殿嘉慶乙丑又建三元閣與張僊殿而廚房寮舍

則又有天揆和尚助成之於是菩提西院之規模略  
備此非紹隆有人之效歟當時梁武帝以造寺寫經  
問達摩有何功德師對以人天小果並無功德此祖  
師以最上乘說法其實護持三寶造寺寫經亦曷可  
少也學者以有為法而証無為法若華嚴樓閣彈指  
即現何莫非菩提之妙義乎余因潤公之請而志其  
崖略俾後人知諸尊宿締構之勤勞以及興修之歲  
月若善男信女捐資助成者當泐他石以表善緣



此書善與諸女能觀此為當世以表善繼  
業辭非對入味論真諦難之徒若以又與之  
明與阿莫非善對等故漢平余因隨山子齋西志其  
世西集崇以百歲去西瑛無處去華嚴對開嚴許  
得如是工乘結結其實勝林三德也亦高也亦何  
問其非所成也佛性以人天小果並無此處極時  
辭此非對對有入之故也當和果居帝以盡衣  
已及爾天對味尚能在此許矣善對西對之賦難  
此書善與諸女能觀此為當世以表善繼  
業辭非對入味論真諦難之徒若以又與之  
明與阿莫非善對等故漢平余因隨山子齋西志其  
世西集崇以百歲去西瑛無處去華嚴對開嚴許  
得如是工乘結結其實勝林三德也亦高也亦何  
問其非所成也佛性以人天小果並無此處極時  
辭此非對對有入之故也當和果居帝以盡衣

靈隱經藏記

將執文字以求佛可乎曰文殊問維摩之疾會意小  
忘言達摩安神光之心迎機而懸解學佛不可執文  
字也將離文字以求佛可乎曰法盧造字釋伽亦傳  
習多師博達多聞慶喜為總持第一學佛又不可離  
文字也是故龍威授簡九流著於藝文鳩摩譯經千  
佛標其名義雖華裔分域儒墨異流而問迷塗者必  
仗神鍼游覺海者先尋寶筏彼大士假圓通說法非  
教何宣中華由聲音入觀捨經奚悟昔之尊宿六如  
觀幻四諦微空入精進之林則手書貝葉轉華嚴之



藏則舌吐蓮花非偶然也。靈隱寺者西湖之上刹也。兩峰映帶四衆皈依佛開法會飛來鷲嶺一峰。帝錫嘉名。勅賜雲林二字。燃燈座下習四種之威儀。卓錫山中受十方之供養。游觀者無金狄之譏。受持者有木叉之戒。真東南一大道場也。惟是舊藏經文不戒於火。珠林秘冊遽化秦灰。石室曇章無存魯壁。九譯莫詳其文。三寶竟闕其一。將何以闡揚聖教。接引學人。余寄公樂土訪道名山。適若水品蓮兩禪師先後住寺。方丈每談斯事輒為太息。余因發願重加結集。特則

有吳中會一師在嘉興楞嚴講寺脩治經板。遂與商榷。凡集大藏經論等一千六百五十五種。裝成一二百三十八冊。又附貯藏外論疏語錄各書一百五十種。共裝成四百五十六冊。綜為二廩。藏諸寺內。蓮燈閣上。伏願典守有司。紹隆無替。瑯函萬卷。常宣木鐸之音。寶曆千秋。永絕風輪之劫。爰撰斯記。以示後人。是役也。共用白金三百四十兩。此邦紳笏。贊我勝緣者。別刻芳名。同昭善果。



*[Faint, illegible text, likely bleed-through from the reverse side of the page.]*

百老圖記

人生五倫之中君父一而已兄弟夫婦皆有數惟朋友則盡四海九州之人而皆是也然死生聚散人皆不得免焉欲求其聲音笑貌常在目前此必不可得之勢也金君東屏善繪事寫真尤工晚年發願為百老圖自措紳先生以及縫掖之士布衣之人無所擇第擇其有文行而齒在六十以上者由一人二人積至百有餘人矣心猶未已也吾鄉耆艾無不與焉四海九州之人亦往往而在暇日攜以示予其不相識者姑置之但平生有一面之交者皆能識其為某人



某人嗟乎技至此亦神矣維時予年六十有三已及格因亦為予肖一像解衣坦腹而坐旁卧一鹿置盆水於前旁薄自得之致流露於豪楮間予生平所畫未有肖於此者也因思人生不過百年惟託諸翰墨乃可以不朽史乘可以傳人姓名詩文可以傳人性靈獨至容貌顏色非畫不傳今此冊中人逝者已多矣而披圖者宛然同堂接席謦欬乎其側也更歷數十年畫中人無一存者而容貌顏色長存於天地之間是此一百有餘人皆因斯圖而不死也是可述也

# 選

## 南燕訓練圖記

國家設兵以衛民而養兵之費即取諸民以為用百姓之力有限則太平無事之時勢不能常蓄多兵以糜餉故兵之分防郡縣多者不過數百人少者數十人而已一旦奸宄竊發若專恃官兵以禦亂必眾寡不敵不得已而召募土人以自助觀史冊所載動輒募兵以千計以萬計職是故也後世守令所募之人不敢直謂之為兵因而易其名或曰義民或曰鄉勇其名雖異其實皆兵也因其為土著之人急則聚之而為兵緩則散之而為農其法至善蓋守望相助猶



有古者寓兵於農之遺意焉。往予守重慶，適逢白蓮教之亂，川東川北處處戒嚴，予設為團練輪操之法，所屬二州十一縣，各募壯丁三百人，以百人在城防守，二百人休於鄉，十日一更，以均勞逸。有事征調，一呼而集者，可得四千人。其費即出在本鄉之民，不煩官帑。如是者五年，武功既戢，而後散遣歸農。當是時，賊人屢窺重慶之境，而卒不敢犯，閭閻恃以無恐。則此團練之效也。竊以為牧圉而籌捍衛之方，未有善於此者也。嘉慶十八年，奸民林清作亂，三輔之地，所在蠢動。伍泰菴明府方宰鉅鹿，鉅鹿者四達之衝，昔

項籍救趙，諸將皆從壁上觀之地也。維時風鶴之警，環於四境，明府乃訓練丁壯，守衛城池，日費金錢數萬，皆出私財給之。故其時賊人縱橫三輔之間，而鉅鹿獨安堵無恙。則明府團練之力也。寇賊既平，大府敘其勞而器其才，移治廣平，負郭之永平縣。明府追維往事，繪為南廕訓練圖，即古人不忘鉅鹿之意。道光元年春，明府以公事來吳，出圖見示，因為敘其始末，并著鄙論如此。



夫文非春賦賦以事奉吳出國及示國其故  
聯赴奉辭或南臨海歸國明古人不去其  
殊其甚而器其不也於黃下自院之不平親  
或部文戲無意快即所何知之也天胡明千大  
萬前出此其能之其能知入地而三能之能而  
眾亦四就即我之能下知官能也其在會念有  
既辭其故詩詩皆其能也其能也其能也其能也

南園授經圖記

余於乾隆庚子辛丑兩試春官不第而歸結碧桃之  
社同社者張清臣王念豐沈桐威芷生兄弟趙開仲  
及余與張君景謀當時所謂碧桃七子者也景謀績  
學工文章試輒冠其曹南昌彭文勤公之校士於吳  
也贈景謀以句日曲江風度人中秀玉局文章海外  
奇公為當代人倫之鑒而賞識若此則景謀文學可  
知矣景謀世居崇明因游學移家吳門吳中人士皆  
樂與之交當時同社諸子性情不一景謀獨好為大  
言視天下事無不可為者王念豐嘗贈以詩云文章



有神交有道。海張獨以荒唐鳴。蓋以漆園之言擬之。景謀累舉不第。僅以六品散官終其身。其歿也。無子。及門之士。凌君介夫。實經紀其喪。且繪南園授經圖。肖景謀之像於上。而侍其旁。師弟之間。可謂有始有卒矣。昔孔子有言。與其死於臣之手也。寧死於二三子之手。若景謀之門。有介夫亦可以無憾矣。惟是余與諸君結社。距今不及四十年。而其人無一存者。余獨以瞠然一叟。猶與後生談藝於鄉曲之間。拊斯圖也。其能無死生契濶之感耶。

道光三年賑饑記

道光三年。歲在癸未。自夏入秋。霖雨為災。田禾被汰。閭閻乏食。四鄉尤甚。開府中丞韓公。絳方伯玉公。玉廉使林公。徐郡伯額公。三邑侯俞公。王公萬公。焦心勞思。凡可以救災恤患者。無所不至。業已入告天子。特發帑金以賑之。復勸諭邦人之殷實者。共敦任恤之誼。且各捐俸以為之倡。由是衆心感激踴躍。樂輸共集。金十四萬兩有奇。官賑既畢。繼以義賑。自是年冬月起。至明年春熟而止。是役也。三邑侯周。歷城鄉編查貧戶。以不遺不濫為主。而義賑則分地設



選

厥令紳士之誠信者董其事其事既竣彙其出納之數刻錄微實俾邦人共見共聞以明其無私吁古云救荒無善策然荒政十二載在周官而保息之術尤在振窮恤貧今不幸而天災流行降及斯土所幸有仁人在位抱己飢己溺之心多方調劑養民以惠使民以義拯百萬顛連無告之窮黎共登於衽席而免於溝壑之患伊誰之力歟果也善氣所積感召天和明年夏秋之間雨暘時若嘉禾被野萬寶將成此農夫之慶即牧民者善政之效也不可不書以告方來

並收葬無主之棺

古聖王之治天下也掩骼埋胔載在王制誠欲使人居太平之世生有所養死有所歸所以慰生人之意而安孝子之心也自葬師之術行而人人欲求善地貧賤者牽於衣食之謀而富貴者惑於風水之術由是停喪不葬者比比皆是吾吳為東南繁盛之區人稠地狹欲求葬地甚難因而棺木浮厝於野者以千萬計道光三年霖雨為灾四鄉積水吳江尤甚野田浮厝之棺漂失者有之棺木朽壞而骸骨零落者有之郡城體善堂會同各善堂司事奉大府之令分赴



四鄉收葬。有鄉民阻撓者。官繩之以法。計先後收葬屍棺三萬餘具。可謂勇於為善者矣。今夫葬也者。藏也。掩藏形。惡不忍見其親之毀也。自世人惑於風水之說。將藉父母之遺骸以求福。因而停喪不葬。及至遇此水災。則追悔無及。試思風水之說。昉於郭璞。璞及身不得其死。子孫無聞。則祖其說者。果能致福否乎。古者葬有定期。自七月至於一月。貴賤有等。從無經年累歲之事。而今之言地理者。動曰山向有利。有不利。何以大異於古人耶。余因善堂收葬無主之棺。而并著此說。以勸夫世人。惑風水之說。而停喪不葬者。



關帝廟玉印記

古人有言國之大事在祀與戎夫郊社宗廟之禮  
三代至今未之或改其他鬼神之祀則與時為盛衰  
今之神祠莫盛於關聖矣自漢以來或稱侯或稱公  
迨宋宣和五年封為義勇武安王此王之號所自始  
明萬曆十八年封為協天護國忠義大帝此帝之號  
所自始  
本朝乾隆三十三年加封忠義神武靈佑關聖大帝  
靈佑之號自此始矣今神之祠徧滿域中吾蘇城中  
飲馬橋有關帝閣父老相傳謂明祖破張士誠時兵



由盤門入明祖怒蘇民之為張氏久守也將盡屠其  
人至飲馬橋而見關聖現像因而戢兵其時蘇民之  
得免於死者皆神之力邦人感其生全之德故立廟  
橋上以祀之然則神之靈固大有造於吾鄉之人矣  
廟有靈佑大帝四字玉印近歲失去河南河務同知  
顧君禮璜知其所在贖金贖而返諸廟恐其久而復  
失也屬余記於祠之壁俾後之人有所考焉

三  
古  
關帝廟王

帝野重脩福濟觀純陽呂祖師大殿記

代巡撫  
陳公作

粵維嘉慶十年尚書姜公晟奉

命觀河歸以純陽呂祖師靈佑之功敬告

天子有

詔于淮陰建祠崇祀

欽定燮元贊運之號冠諸原銜之上仍令直省大小  
守土之吏各於有廟處所春秋仲月諏吉致祭三獻  
九拜如禮惟祭物止用菓品餠餅不具牲牢以符真  
一清靜之化煌煌鉅典載在禮官所謂邊豆之事則  
有司存者也乃事當肇始或闕焉朱舉子撫吳之歲



詢諸邦人。吳郡舊有福濟觀。在城中西北隅。向為士民崇奉。呂祖師之所。近歲遭鬱攸之災。方議修建。未復舊觀。余於仲春之吉。入廟致祭。親見夫棟楹草創。像設猶虛。上雨旁風。神無寧宇。爰率屬捐俸。鳩工庀材。塗茨丹雘。次第畢舉。夾牕重屋。鳥革翬飛。復拓南榮。三楹以為祭時行禮之地。是役也。經始於嘉慶己卯孟夏之月。至仲秋而落成。凡用金錢二百四十萬。有奇。而士民草創之費。不與存焉。工既訖。官民請紀其事。竊惟國之大事。祀居其一。唐虞三代以後。惟類帝禋宗。古今無所沿革。其他羣祀。皆因時制宜。若漢

之祀。明星太一。唐之祀壽星媪龍。宋之祀酺神大角。皆是也。記曰。非天子不議禮。蓋朝廷者。禮之所自出。凡禋祀之舉。重以天子之命。則馨香所被。義協人天。今天子聖德神功。超越今古。懷柔所及。山川百神。靡不歆格。况呂祖師。丕宣道妙。宏範諸天。載諸祀典。上以為國家。縣祈天永命之庥。下以為蒼生。致錫福弭災之應。某職典封圻。其敢弗虔。其敢弗恪。以對揚天子休命。謹拜手稽首而為之記。



選

天子於命蓋其于許而為之... 感其濕與其故其於氣其斯所以博... 固其德於天亦命之極不以為善... 為... 皆... 夫... 天... 以... 皆... 夫... 天... 以... 皆... 夫... 天... 以...

○餘姚縣重修學宮記代長子同福作

昔王文成倡良知之學其說也本自孟子而文成闡發之所謂良知者根於性之本善而發見於愛親敬長古今聖賢所垂教以誨人者不外乎此朱子曰明德者人之所得乎天虛靈不昧具眾理而應萬事以是證良知之說何以異哉後生小子因于朱陸異同之說強生分別遂以尊德性道問學為兩事宗朱者攻陸并攻文成曾不思德性稟乎天而學問起于人舍德性而言學問則學問亦何所附麗哉吾故謂孔門心學之傳宗時則在考亭明時則在姚江余於嘉



慶二十四年來宰餘姚既受事祇謁夫子廟堂見夫棟宇翼翼俎豆莘莘周覽殿庭輪奐清肅規模大壯詢諸故老知前宰鹿公某于嘉慶十八年來此當下車之始見夫學宮頽廢倡眾捐修邑人踴躍襄事一年而大成殿兩廡并崇聖祠魁星閣宮牆泮池次第訖工繼者徐公某來復申前議於是明倫堂尊經閣昌黎祠名宦鄉賢忠義三祠江南北諸紳士分任其事歲在丁丑一律告成美矣備矣尊師重道崇德報功此邦風俗之善於此可徵邑之人將紀其興修歲月及樂輸者姓名以垂示方來請余為文以壽諸樂

石予維是邦為文成長之地流風餘韻至今尚存故士習民風尊道德而尚文章彬彬乎有鄒魯之風焉雖然學校者

國家養士之地也士之生斯世也必修於家而獻於廷以為當世有用之材方不負

朝廷作養之恩古人云太上立德其次立功其次立言是之謂不朽若文成者其德其功其言皆為古今不朽之業此邦人士皆其後進也仰其學行頌其訓言倘有奮發興起不讓美於先賢者乎是則余之所厚望也矣







歲功其在禮曰五嶽眎三公則維嶽降神有贊化調  
元之職况乎作鎮東方東震位也一陽之生萬物之  
所從出也行令於春春者四時之始也其盛德在木  
足以庇廕嘉穀而時和年豐也神之德美矣茂矣在  
一郡則福一郡在一邑則福一邑今而後和之父老  
子弟飲和食德無天札癘疾之憂皆謂神之呵護可  
也廟既落成公屬韞玉紀其事爰述斯廟舉而不可  
廢之義並刻樂輸姓氏于碑陰以垂不朽

治平軌記

和人浚井獲古軌一其形如矩之半有文在上曰治  
平四年五月初一夏至廿七始得雨考史宋英宗建  
元治平其四年歲在丁未距今年乙巳實越七百十  
有九年此軌不知何年淪落入井至今始出其文又  
不知何人所刻首言夏至既足為後世天官家之証  
而記廿七始得雨維時小暑將盡不雨則無禾言得  
雨者幸詞也言始得雨者難詞也若深念夫稼穡之  
艱難甚有憂而後喜者斯何人哉豈非有心人乎蓋  
不賢者識其小者而已今年天旱六月過半尚無雨



田皆龜坼果大雨時行誰不思勒石以誌喜也乾隆  
五十年六月十九日記

日本國花籃記

籃之制與中國異始屈兩竹為交梁其形若罍織紵  
蔑為兩格中分而斜截左軒右輕蔑細如髮錯以碧  
文上覆黦若雲下踰躑若雁一角植竹為花枝兩葉  
分布中銜一菓如柿虛其中以為盒籃以貯花也盒  
則藏花朵者余在郡人陳孝先家見之言是海客從  
日本國攜歸嗟乎執此藝者豈不自以為天下之至  
巧而不知其至拙也自古至巧之術莫有過於範金  
合土物一物而資一物之用後之人耗聰明於無用  
之地思出奇無窮者皆如此類也吾計此籃成非數



十日之功不能及其成也。乃供貯花之用。給婦人女子閨閣之所需。且貯花亦無幾何也。今此竹而為筐。筥為簞。簞為蠶薄。為紡車之屬。其用力少而成功多。顧世之人。拙此而巧彼。宜乎工焉者不惜其心力。而為之也。嗟乎。玩物而不喪其志者鮮矣。有識者尚知所戒哉。

### 菽稻記

西磧山人菽稻於庭。地廣一弓。以時灌溉之。及獲可得一斗穀。客有過而笑焉者。曰是穀也。曾不給一夕之餐。菽之奚為也。山人曰。吾不欲忘稼穡之艱難。故也。客亦知夫樹菽之術乎。四民之勞苦。莫如農。農殖百穀。稻則其尤難者也。春而畊。夏而耘。歷乎三時。以望其獲。往往燥濕寒暑之不時。以為農害。春秋紀二百四十年之事。書有年者二而已矣。豈不難哉。吾聞維莫之春。農家浸穀為種。茁而成秧。則拔而更植之。縱縱橫橫以成行。非是則為童子稻。雖獲弗豐。繼此



而耘。薙去他草。注水滿畦。毋敢溢也。毋敢涸也。稻根蔓延。必手梳櫛之。赤曜當天。水如沸湯。長跪田中。不知蛇虺之出其下也。七八月之間。少休息矣。然天多風。唯旦夕顛於天。無生災害。花矣而風。則蕊多落。而不秀。穀矣而風。則莖多折。而不寔。熟則葉萎。寒則膏凍。幸而雨暘以時。昆蟲毋作。入租官府。而享其餘。天之靈也。國之福也。不然。則終歲之胼手胝足。適以易其饑寒焉爾矣。吾鄉擅三江五湖之利。地多膏壤。旱乾水溢之患少。而江以南。無蝗災。似乎農焉者。較他所為易易。然夏月行其野。桔槔之聲。晝夜不絕於耳。則勞可知也。今吾與子身居華屋之下。曾菽麥之。不辨。而終歲食稻梁。非魏之風人。所謂不稼不穡。而取三百之禾者乎。吾不同其勞。且同其憂樂也。故稻是執。而子何尤焉。客去。吾以吾言筆之書。



東川書院科甲題名記

嘉慶四年。余自翰林出守重慶。其郡舊有東川書院。余以公餘時與諸生考課其中。其明年值鄉試之歲。在院諸生獲雋者十一人。凡書院例有科甲題名記。此地獨無。誠闕典也。因為製額懸諸堂皇。即以此科為始。後有雋者繼而書之。夫鄉舉之典古矣。世謂之登賢書。舉者謂之孝廉。登是選者。其顧名思義。相與興孝興廉。以勸副乎賢者之稱。勿徒以榮名高第為宗。族交游光寵。斯不負余為爾等題名之意也。夫郡守吳縣石韞玉記。



香泉游記

香泉溫泉也。在和州城西北四十里。相傳昭明太子沐浴之所。吾聞晉元帝之渡江也。郭景純筮之曰。東南郡縣有以陽名者。井當沸。是為中興之應。未幾。歷陽井沸。然則香泉其沸井之遺乎。天下之溫泉。不勝計。最著者驪山也。然驪山當西北往來之衝。輪蹄絡繹。擔夫郵卒。雜沓乎其間。豈若此泉僻處江濱。譁囂所不至。以葆其天。此之悔。未必不幸於驪山之顯。况夫華清之游。艷妻煽處。誨淫禁闈。名禍邊陲。識者過其地。指為不祥。而游斯泉者。緬想蕭統郭璞之風流。



連不置。誰謂斯泉之不顯也。文選之樓。爾雅之臺。六朝舊跡。蕩焉無存。獨斯泉出荒村窮谷之中。千年而不湮沒。顯莫顯于斯泉也。泉上有亭。故翰林學士朱公筠名之曰進機。蓋取諸禮經沐浴飲酒之義。僕於乾隆五十年。歲陽旃蒙。歲陰大荒。落辰在大梁之次。吉日戊午。修禊于泉之上。

采石磯游記

姑孰距和一江之隔也。歲在丙午。余客和州已兩載。往往謀采石之游而未果。竊自思吾儕旅人也。未知明年又在何處。江山如此。安忍交臂失之乎。於是消上巳之辰。往焉。幕府諸君子始約偕行。質明天大風。江水奮激。濤驚雪飛。同游者意阻。將自屋返矣。余堅欲行。得五人與偕。截流而渡。舟傾側。盤盃相觸。有聲。波濤洶湧。帆盡濕。日中始抵南岸。繞翠螺山麓。謁太白祠。守祠僧淪茗供客。坐移晷。問蕭尺木畫壁。則主者他出。樓鐫不得觀。出至燃犀亭。亭臨江。古牛渚之



遺也。又有蛾眉亭。已圯。斷碣僅存。緣石磴而下。有洞  
嵌峭壁間。土人號三官洞。故中丞喻公成龍建閣。供  
佛。曰妙遠閣。閣廣不盈丈。半架於江水上。上依千仞  
之崖。下臨不測之淵。山腰有礮臺。或云明常遇春頓  
兵處。登臺則江山煙樹之勝。一覽可盡。日暮倦游。將  
返乎舟中。然共求所謂采石之名而不得。土人曰。昔  
有漁人於江渚。忽睹五色石浮水上。取而琢成鑪。今  
在山上。禪悅菴。佛前爇香者是也。余鼓勇再登。同游  
者或偕或否。既至寺。則菴在寺旁。鍵其戶。左右無所  
為計。登佛殿。鳴鐘。僧乃出。告之。啓戶而入。敗屋三椽。  
不蔽風雨。鑪果在白質。而五色編爛如錦。真希世之  
竒也。還舟解纜。天已昏黑。乘夜渡而北。則輿夫已數  
步行至州。譙樓四鼓矣。是日也。風浪如山。雖老於江  
湖者不敢行。余則游而已。



西山游記

乾隆五十四年。歲在己酉。余試禮部被黜。閑居都門。韓旭亭二丈相拉。作西山之游。四月二十三日。就宿聽鐘山房。韓所居也。翌日平明。乘車出城。西行十餘里。渡渾河。渾河者古桑乾河也。水挾沙行。其流渾濁。故曰渾河。時維首夏。大雨未行。水清淺。不濡軌。驅車可涉。沙中雜金屑。日光照耀。燦如繁星。既渡三十里。達岫雲下院。從僧午飯。過此即山麓。石棧鞏確。車不可以登。舍車坐籃輿。約五七里。過西峯寺。寺在西山之坳。巖壑深邃。先是有妖尼住持。以其法惑衆。斂錢。



尼既伏法。寺歸戒臺僧管領。入門蒿萊不翦。殿宇荒涼。爨下惟一僧。烟火蕭然。匆匆一覽遂去。又西行二十里。登潭柘山。維時夕陽在嶺。暮靄蒼然。其山九峯環抱如蓮花。中有小峯如酌。則寶珠山也。寶珠山為岫雲道場。其寺在唐曰嘉福。元曰龍泉。明曰萬壽。今曰岫雲云。山頂有龍潭。又有大柘樹。此潭柘之所以名也。今潭在而柘已枯。入門而右。銀杏一枝大合抱。聖祖皇帝臨幸寺中。樹發孫枝一。今如拱。

今皇帝再幸。又發孫枝一。今如把。豈非靈山草木常有鬼神護持者乎。中為大雄殿。殿後為戒壇。和尚傳

戒之所也。又其後為楞嚴壇。由大雄殿左出。循山而上。繞出方丈之右。有佛舍利塔。釋典所謂佛既滅。有無量舍利散布十方者。殆此類乎。其左大士殿。殿中有妙嚴大師足跡。妙嚴大師者。元世祖之女。在宮中禮佛。足所踐。埽為之穿。雙趺宛然。明神宗時。李太后取埽送寺中。遂流傳至今。是夕宿潭柘寺。翌日尋龍潭。繞出寺後。山徑陡絕。甚崎嶇。行一二里許。路側有姚少師祠。少師即廣孝也。像作僧伽相。蓋成祖龍潛燕邸時。廣孝駐錫於此。今其墓尚在山中。距祠二十里。出祠行不及里。道左有海蟾石。形如蟾蜍。其高



盈丈而縱倍之。吾聞神仙有劉海蟾。世人析劉海與蟾而二之。茲復以蟾名石。復以海名蟾。訛以傳訛可笑也。過此以往。造乎九峯之極。則龍潭在焉。潭在山最高處。水出石罅。涓涓然積而成池。池上有亭。翼然憩坐。移晷汲水飲。一二盞。甘冽沁肺腑。稍下有龍王祠。守祠僧煮茗供客。祠內有土牛一雙。牛之為獸。土屬也。以土鎮水。取相剋之義。豈此潭有蛟龍窟其中乎。日將晡。歸宿寺中。所宿處曰猗玕亭。

今皇帝所命名也。亭四旁皆修竹。竹聲颼颼。徹夜如風雨。龍潭之水至此。亭繞階西流。亭上鑿石為漚。潑洄往復。客飲於亭。可以為流觴之戲。潭柘之勝。盡於此。二十六日至戒臺。戒臺距岫雲寺二十里。而近。巖回路轉。路益險。如羊腸。高出雲際。西山諸巖。若戒臺。最古。山益深。樹益古。蓋中國未有幽州。此道場已建矣。殿前列老松樹。皆奇怪。曰蓮花松。蒲團松。九龍松。卧龍松。各象形。以為名。又有活動松。更奇。樹大合抱。枝柯蟠曲如蓋。垂至地。捫其一枝。全體搖搖如懸旌。其理殊不可解。殿左為戒臺。前植尊勝陀羅尼石幢。二。遼大康中所造。考史。大康為遼道宗年號。其元年。即宋神宗熙寧九年。蓋七百餘年物矣。入方丈。謁主。



僧主僧出佛牙示客牙大如拳黝如漆大都是西域  
異獸之齒而黠者取以惑人愚者信之而已由寺後  
陟峻嶺嶺上有石洞洞中鑿石作思議佛像俗名籌  
佛洞有浙僧守之僧山陰人先為禮部掌案吏後歸  
浮屠者東望京師城闕室廬了了可辨此則西山最  
高處也是日宿戒臺寺翌日出山游八里莊慈壽寺  
寺建於明神宗之朝寺中懸神宗太后畫像后素佞  
佛嘗夢庭中生蓮花九朵遂自號九蓮菩薩其左為  
摩訶菴菴建於嘉靖中為中官趙璫香火院殿前植  
豐碑二皆當時禮部尚書撰文士大夫以稱功頌德

之詞為閹人諛墓亦可醜也浸淫而成客魏之禍殆  
有履霜堅冰之兆乎同遊者韓丈是升號旭亭宗老  
廉簡號西樵皆吾鄉人也及崇寧禪院壘上人



靈隱游記

西湖名膾炙天下。湖上寺以百數。靈隱最古。自東晉咸和元年。番僧慧理開山。歷今蓋千有餘禩。方丈主僧擊槌推開堂。僧徒守木叉戒。演瑜伽法。常住四五百人。東南一大道場也。嘉慶己巳歲。開府儀徵阮公。建書藏於寺。招集賓僚一再過其中。士大夫遂多與寺僧相識。是歲五月既望。寺主品蓮和尚。邀為蔬筍會。同會者四人。顧星橋。陳桂堂。兩先生。顧子簡菴。蔣子蔣村。與余而五焉。晨出清波門。坐小舸。達茅家步。登岸坐筍將。約可六七里。造飛來峯下。步入方丈。星



橋先至。蓮公出所著山居詩三十首。余與星橋共讀之。詩思清絕。冷齋參慕一流人矣。少選桂堂。至顧蔣二子亦同至。共飯於補梅軒。日亭午。同步詣集慶寺。寺久廢。老屋三五楹。露叢葦灌木間。主僧出。輅客寺。有南宋理宗像。共觀之。又有理宗宴遊圖。直幅高三尺許。廣得高之半。圖中凡八人。戴烏紗折角巾。衣黃龍袍者。理宗也。翟冠。褱衣。顏色端麗者。閩妃也。一人冠帔。差降從其後。不知何許人。意亦是當時宮嬪。其旁紅袍戴折角巾者。為度宗。烏紗垂翅帽。淡黃袍者。為閩妃之父。又其旁兩中官。一衣絳。一衣藍。舊傳為

史彌遠。賈似道二人。舊志已疑之。以為天子與妃嬪燕遊。外臣不應在側。今細辨之。兩人皆少年無髭鬚。烏帽無翅。服飾不似有名位人。殆即近侍貂璫俗僧。不知而附會。以為史與賈耳。最後一童子。約年十四五。幅巾青衣。舊傳為太子。按理宗無子。以榮王與芮之子為子。即度宗也。別無所為太子者。且冠服不類貴人。傳聞之誤耳。因各題名于軸邊欄。出至永福寺。登樓觀石筍。過松靄山房。即紫竹林也。竹垞老人更今名。主僧出竹垞六詠卷相示。坐次雷雨忽作。蒼溜澎湖如注。冒雨過妙應閣。觀明九蓮菩薩像。及貝葉



經葉似筍箨而內外瑩潔寬一寸五六分長七八寸  
經皆梵字旁行未譯不知其何經也回至靈隱復飯  
于大悲閣下惟時山雨初收流泉方至滴瀝小池中  
錚錚然蓮公善琴彈平沙落雁之曲四座寂然琴聲  
與泉聲遙遙相和曲終桂堂題書藏門榜又出余近  
製六如詩共觀之天將暮遂各散出山天已黑城門  
下鍵余遂借宿於星橋齋中翌日始歸斯遊也竹塢  
聽琴山厨戰茗觀勝流之妙蹟聆清角之遺音盤桓  
經日樂而忘歸五濁界中得未曾有不可以不記

虹橋脩楔圖記

綠楊城郭仙翁騎鶴之鄉紅杏人家仕女楔蘭之令  
則有曲中謾姐方外清卿若飛鳥之依人折疏麻以  
招我提壺挈榼聯襪倚裳問津于曲水之濱繫纜于  
平山之麓客稱妙手攜葉格而來奴是平頭擊履箱  
而至維時密雲將雨流水始波花豔驚人鳥鳴求友  
節當寒食芳樹綠以無烟地近蕪城遙山青而入畫  
霓裳一曲識中散之琴心玉柱三分奉都知之觴政  
陳娥促膝手撥銀箏毛女垂髻身齊錦瑟花間敷坐  
青衫與紅袖相依竹裏行厨綠筍偕朱櫻並薦江令



作座中狎客。解擘吟箋。麻姑是天上神人。善來削脯。嘉哉曠世之勝情。逢場之善戲也。餘歡未墜。妙技斯呈。張生伯治。乃繪為虹橋泛雨圖。寫燈下之香纓。飽同宴瑱。寄夢中之綵筆。思若流波。風懷與花月俱新。文藻共江山等壽。良足樂矣。竊又感焉。夫珠簾明月。杜樊川游冶之場。喬木廢池。姜石帚哀吟之地。古人往矣。陳迹渺然。今者幸遇佳人窈窕。肯容老子婆娑。移來錦幃。幾同金谷。當年吹徹瓊簫。羣問玉人何處。萬物芻狗。百年逆旅。今我不樂。恐後人之笑我拙。

選

重修顧仲瑛墓記

崑山之境有水曰綽溪。溪之上有綽墩。世俗相傳云。因唐時伶官黃旛。綽所居之地而名之也。不知其言信乎否也。元人顧氏仲瑛之墓在其地。仲瑛者名德輝。崑山人家。本望族。少時豪俠。好義。輕財。結客三十。始折節讀書。舉茂才。署會稽教諭。力辭不就。築玉山草堂於邑園池。亭榭聲妓之盛。甲於天下一時。名士如楊廉夫。黃子久。倪元鎮等。皆從之遊。至正季年。以子官。覃思封武略將軍。飛騎尉。錢唐縣男。是時天下已亂。



仲瑛辟地隱於嘉興合溪張士誠據有吳地辟  
之不至明祖既有天下與其子徙臨濠既卒歸  
葬綽墩有華亭殷奎志其墓自其葬至今已四  
百五十餘年蕪穢不治久矣無人知其所在今  
道光七年有十四世孫宗萃訪得其遺址在金  
粟菴之下因封之樹之率其子姓修祭掃之禮  
將欲立石表墓而乞予為記予嘗謂士之生於  
世也遇其時則為霖為楫致其君為堯舜而膏  
澤及乎斯民不幸而遇非其時則韜光匿采以  
自放於山巔水涯舉人世之富貴爵祿皆不足

以動其心而惟期全受全歸以無失其令名若  
詩所謂既明且哲以保其身者此亦有道之士  
所以自處也仲瑛少負不羈之才置身在當世  
賢豪間非無意於智名勇功者業已知天下將  
亂豪傑之流且並起而逐鹿中原不知其所稅  
駕則姑隱居放言以優游而卒歲殆孔子所謂  
身中清而癡中權者與卽今問玉山草堂世遠  
年湮早化為荒烟蔓草之墟乃窮鄉僻壤一杯  
歸藏之地尚有能表而出之者人豈不貴有賢  
子孫哉予故不辭荒陋作記勒石於金粟菴中



俾後之人有考焉仲瑛當日嘗自號金粟道人此菴之所由名也

竹堂文類

卷三下 未刻

重修吳縣學記

楊氏祭田記

重修山陰縣學記

修建山陰茅山閣記

潘氏義田記

慈溪清道觀記

重修開元寺記

無隱菴記



重修大雲菴記

營泉寺記

張節婦祠堂記

顧氏祠堂記

同善局碑記

臨頓新居畵記

守渝記

張太宜人節孝事實畵記

獨學廬稿刻

吳縣石韞玉著

重修吳縣學記

選  
古之立學者必釋奠於先聖先師所以考禮肄樂而内外交修典至重也我朝聖聖相承尊師重道凡四海九州一郡一邑無不立學以為士子親師取友之地吳城之學有三其在城西通和坊者為吳縣學春秋二祭吳之縣大夫實主之是學創始於宋之景祐間其後明之宣德九年移建此地先後屢修不一修矣迄今



歲月既久。土木又見傾頽。江西萬公臺為吳令  
建議重修。首捐五百金。為之倡。邑中人士踴躍  
樂輸。而在城院司守令均分清俸。以助其役。於  
是自大成殿以及兩廡三門。皆撤其材而更新  
之。其名宦鄉賢忠孝諸祠。與夫明倫之堂。敬業  
之亭。亦繕宇葺牆。塗茨丹雘。次第畢舉。經始於  
道光六年正月。至八月而工告訖。凡用錢八  
百四十萬有奇。而學宮頓還舊觀。夫聖人之道  
高矣美矣。邃古以來。義農堯舜。代興有聖人。  
德者皆有聖人之位。其有聖人之德而無其位。

者。惟孔子一人而已。孔子表章六經。守先王之  
道。以待後之學者。而後天下後世。曉然於君臣  
父子之倫。道德政刑之本。三綱以正。百度以貞。  
故知義農堯舜。功在一時。孔子功在萬世。當時  
孔氏之門。或曰賢於堯舜。或曰生民未有。實其  
智足以知聖人。而非苟為夸大之辭也。孔子之  
道。如日月經天。江河緯地。大無不包。小無不及。  
帝王師之。而可以化民成俗。匹夫匹婦師之。而  
可以修身踐行。此所謂上下與天地同流者也。  
韞玉生年一十有八。充博士弟子。負維時縣大



夫率新進諸生。展謁兩楹之下。瞻望廟堂。小大稽首。雍雍肅肅。禮成而退。迄今五十餘年。忽忽若前日事。今幸遇賢士大夫之修廢舉墜而樂觀其成也。故不辭蕪陋而為之記。

# 選

## 楊氏祭田記

關西楊氏為天下望族。其在吳門者。莊簡公。戊明嘉靖丙戌進士官至兵部尚書。莊簡之子。大滌鄉貢進士。大滌之子。廷樞。崇禎庚午解元。學者至今誦其文。奉為藝林矩矱。初居城西皋橋。其後子孫移居南濠平家巷。儒素相承。簪纓勿替。雍正間有名王樟者。以舉人起家。宰山西永。和。移江西分宜。善政宜民。所至有聲。子鰲。孫師。曾。世守舊德。推重鄉黨。師曾二子。長癸壬。次丙。生。兄弟既翕。勤儉治生。癸壬性孝友。敦本善族。



人無閒言。無祿早世。丙生繼其志。修葺家譜。令其族人知木本水源之詣。復因祖業增置祭田若干畝。在吳縣十二都十六畝。代字圩歲取其租。以備子孫墓祭之費。乞予為之記。予嘗慨夫吳俗波靡奢淫。相尚一婚嫁一燕享。必競勝於人。雖破其家不惜。而尊祖敬宗收族之義。不之講。往往坐擁厚資。縱欲敗度。以夸豪舉。不再傳而冰消瓦解。子孫有衣食不給者矣。古人所云其興也淳焉。其敗也忽焉。此無他。膏粱子弟。不知稼穡艱難。雖受祖宗之餘慶。而無德以享之也。今楊氏兄弟以貿遷有無之業。勤而不匱。以起其家。而又能於慎終追遠之事。殷殷然三之意焉。可謂知本矣。詩曰。孝子不匱。永錫爾類。鄉之人其亦有聞風而興起者乎。

人無閒言。無祿早世。丙生繼其志。修葺家譜。令其族人知木本水源之詣。復因祖業增置祭田若干畝。在吳縣十二都十六畝。代字圩歲取其租。以備子孫墓祭之費。乞予為之記。予嘗慨夫吳俗波靡奢淫。相尚一婚嫁一燕享。必競勝於人。雖破其家不惜。而尊祖敬宗收族之義。不之講。往往坐擁厚資。縱欲敗度。以夸豪舉。不再傳而冰消瓦解。子孫有衣食不給者矣。古人所云其興也淳焉。其敗也忽焉。此無他。膏粱子弟。不知稼穡艱難。雖受祖宗之餘慶。而無德以享之也。今楊氏兄弟以貿遷有無之業。勤而不匱。以起其家。而又能於慎終追遠之事。殷殷然三之意焉。可謂知本矣。詩曰。孝子不匱。永錫爾類。鄉之人其亦有聞風而興起者乎。



重修山陰縣學記

道之在天下如水之在地中無所往而不在自  
羲農堯舜以後文明漸啟至孔子而集其大成  
故古君子之為政也必原本經術而言六藝者  
必以孔氏為歸今世守土之吏常以歲時釋奠  
於先聖先師所以崇德報功示斯民以率循之  
路也山陰為紹興負郭首邑舊有學宮肇建於  
有宋崇寧初屢廢屢興自乾隆癸酉之修迄今  
又七十餘年閱時既久棟折榱崩殿廡門垣罔  
弗傾圮前宰吳君某李君某先後倡議重修工



大費繁不能尅期集事。予長子同福於道光五年移治斯邑。下車之後，邑中人士以前事相告，乃捐俸為之倡。闔邑紳衿士庶踴躍捐輸，爭先恐後。自乙酉經始至丙戌仲冬之月，工告訖功。乃率邑人入廟展謁，上棟下宇，美奐美輪，三門洞開，兩廡夾峙，翬飛鳥革，頓還舊觀。邑人來請予記其興修歲月於麗牲之石，竊惟聖人之道如日月之經天，江河之行地，原不以廟貌之興廢為盛衰。然斯人沐浴聖化，不有所憑，何以其高山景行之慕，况東南之美，實先會稽賢才。

接武於今，九烈繼自今。斯邑士民服習先聖之訓，將有日新而月異者。夫修身踐行，說禮樂而敦詩書，士之業也。導揚休美，宣上德而通下情，史氏之職也。予備員史館，摛文紀事，固其職也。乃述其顛末而為之記，是役也。凡用金錢若干，經理其事者，教諭某某，邑人某某，例皆得書。捐資衆姓，別石勒名，共垂不朽。



修建山陰茅山閘記

昔管夷吾之論水地也曰水者地之血氣如筋脈之流通者也是以聖人之治於世也其樞在水是說既傳故後世談治術者必曰水種夫水之為利於民誠大矣然亦未嘗無害田疇之灌漑舟楫之游泳是其利也天有靈雨之災地有懷襄之眚是其害也祛其害而收其利是非人加不為功山陰為紹興負郭之邑所轄有天樂鄉其地瀕海往時為潮汐汎濫之地明時劉公宗周勅議建茅山閘以拒江潮於是天樂鄉等



八<sup>坂</sup>共田二萬二千二百餘畝悉成膏腴沃土其事垂今將二百年歲月既久閘座傾頽前功將棄予長子同福於道光五年移宰斯邑因邑人之請相度厥址諮諸父老及時修建適有武生金鰲請任其事爰庀工鳩材諏吉興工閘身長八尺高二丈二尺濶三丈八尺自底至面壘石十九層涵洞三每洞濶八尺洞旁立石鑿槽施板以為啓閉之用閘旁建劉公祠歲時祭享以申邑人報本追遠之志又建小屋二楹安石<sub>司</sub>夫自七年七月起至十月告成凡用金錢六百

萬有奇金生獨捐二百萬其餘則各塘長按畝斂錢以足成之工既竣邑人請勒碑紀其事竊謂世間事創之難而守之尤不易也此閘自念臺先生議建以來論者謂其捍禦江潮保護圩田二百餘頃歲納其稼給萬人之食其利溥矣而更有利焉者歲旱則收外江之潮可以資灌漑之利水溢則洩內河之溜可以免昏墊之災自在司其事者善為啓閉而已如是而一方之民享其利消其害庶不負先賢創建之苦心而此日邑人修舉之勞亦久而不廢也是為記



潘氏義田記

潘尚書養親事畢將入都供職瀕行令子功旨舍人以設立義倉之事為請尚書可之其法捐田二千五百畝編為一莊歲收其租於青黃不接之時減價平糶以濟夫鄰里鄉黨中之艱於生計者糶得之錢再行置產積穀以待來年之用設遇凶年饑歲則以其錢再糶再糶以錢盡為度如是經畫可以經久可以繼長增高可為法良意美矣昔范文正公始立義莊以潤其吳中族人垂今七百餘年久而不廢國人每矜式



焉。將來潘氏義田，可與後先媲美。然范氏止潤其族，而潘氏并及於鄰里鄉黨。此孟子所云老吾老以及人之老，幼吾幼以及人之幼者。與吾聞孔子之告原思也。九百之粟，可以與鄰里鄉黨而佛氏六種波羅蜜，以檀施為第一義。舍人弱歲登科，早通仕籍，而澹於榮利，清修梵行，深入佛海。義田之設，既合於儒者任卹之意，又符乎佛氏檀施之旨。可為勇於為善者。兵尚書此舉，將與文正同垂不朽，而自舍人發其端，其能貽父母以令名者，與余家無擔石之儲，嘗懷解推之願，而力有不能。聞潘氏之風，誠愛之慕之，而不能已於言也。故濡筆而為之記。

焉。將來潘氏義田，可與後先媲美。然范氏止潤其族，而潘氏并及於鄰里鄉黨。此孟子所云老吾老以及人之老，幼吾幼以及人之幼者。與吾聞孔子之告原思也。九百之粟，可以與鄰里鄉黨而佛氏六種波羅蜜，以檀施為第一義。舍人弱歲登科，早通仕籍，而澹於榮利，清修梵行，深入佛海。義田之設，既合於儒者任卹之意，又符乎佛氏檀施之旨。可為勇於為善者。兵尚書此舉，將與文正同垂不朽，而自舍人發其端，其能貽父母以令名者，與余家無擔石之儲，嘗懷



慈溪清道觀記

慈溪為浙東瀕海之地出縣城東南三里所有山曰龍山其山自天柱峯發脈蜿蜒南走獅岩繞其左鵬塔峙其右迴峯疊嶂環抱擁衛山之椒有清道觀在焉考舊志斯觀自係天寶八年建歲久而廢宋紹興三十年道士葉景虛重建以奉岱宗之神其後屢廢屢興自本朝康熙辛酉之歲道士張繼祖重修之後至今又閱一百四十餘年棟宇朽敗丹青漫漶有仁和道士王元仁來主斯觀慨然生興復之思維時吾鄉張



公久照適宰斯邑首先捐俸而闔邑紳士皆踴躍樂輸乃於道光乙酉之歲仲春之月諏吉興工將正殿翼室兩廊道藏鐘鼓樓山門亭榭以及後宮一律修整凡三閱寒暑而告成功計用白金二萬兩有奇創斯舉者為林君築筠董其其事者為應君方來秦君柳溪而錢君問漁馮君聽帆陳君西竺等共襄其事觀主王君寄書至吳門索余為之記余生平足跡徧九州而慈溪則未嘗一至於清道觀初不知其興廢之如何每歎天下事易毀而難成况慈溪僻在東海一隅非如通都大邑為士大夫車轍馬跡所輻輳則有所興作為尤難今王君住持未久使卜秋古跡頓還舊觀此其道行必有足以感人者十年前余寄居杭城時王君方住紫陽山之文昌殿因而習其人工詩善鍊筆通篆籀之學蓋束修自好人也因其請不敢以不文辭

公久照適宰斯邑首先捐俸而闔邑紳士皆踴躍樂輸乃於道光乙酉之歲仲春之月諏吉興工將正殿翼室兩廊道藏鐘鼓樓山門亭榭以及後宮一律修整凡三閱寒暑而告成功計用白金二萬兩有奇創斯舉者為林君築筠董其其事者為應君方來秦君柳溪而錢君問漁馮君聽帆陳君西竺等共襄其事觀主王君寄書至吳門索余為之記余生平足跡徧九州而慈溪則未嘗一至於清道觀初不知其興廢之如何每歎天下事易毀而難成况慈溪僻在東海



重脩開元寺記

吳郡開元寺創建於孫吳時乃今之北寺也  
名通元唐武后時易名重元及明皇初宇今天  
下大刹改開元之額於是吳中大吏以斯寺當  
之寺之以開元名由此始大順二年燬於兵火  
吳越錢氏有國移建於城之西南隅則今之開  
元寺也寺中有石佛二尊一曰維衛一曰迦葉  
相傳晉建興二年自海上浮來然志乘所載浮  
海之像背有梵字題名而今城南之像佛名乃  
中國之書鐫於胸次大約通元舊像當時已燬



於火。今像乃錢氏移寺時鑿石補之耳。此寺自明以來屢興屢廢。逮至本朝高廟六次南巡，必詣寺拈香，為民祈福。而後美輪美奐，規模大壯。今距乾隆甲辰之歲四十餘年，山門朽蠹，四壁傾頽，像設虛存。莊嚴無色，有豁然和尚。至寺瞻禮，慨然興脩復之思。一日謁善慶借雲上人言及此事，借雲忻然曰：先師觀性和尚在日，開堂念佛十方檀越，積有供養。畧一宗今堂中僧徒已散，而此項資財不可虛糜。請自以充開元修造之用。由是鳩工庀材，擇日興修。築

東西墻垣二百餘丈，重葺四天王殿、山門。其石佛殿、大悲殿、卧佛殿、及關聖三官二殿，次第修飾。丹雘一新。殿前有鼎，殿上有鐘，皆鑄金更鑄。又於殿庭分植松柏榆樹百餘株。中丞陶公揭法身圓對四字於中門。工既訖功，乃涓吉日啓建道場，散花供養。合郡士大夫咸集而落成焉。夫佛道崇虛本無定相，因緣時節興廢在人。昔釋迦文佛二十八傳至菩提達摩祖師傳衣授記，東來震旦。然後如來清淨正法眼藏始入中國。其後南北分宗，一花萬葉。菩提法藥遍滿城



中今吳中石像至自典午之朝則尚在達摩未  
入中國以前豈非聖教將興而此像為之先聲  
與今之石像卽非當日浮海之像而所以闡揚  
大化者寧有異乎彼山川百神有舉卽不可廢  
况天人之師靈蹟昭著古剎將及千年豈可任  
其蕪穢不治耶是役也經始於道光 年 月  
至 年 月訖工凡用金錢若干豁然借雲二  
公皆非本寺僧徒而能盡其心盡其 各發虔  
心共成勝果不假他人之助準以世間法尤為  
難能也予親睹其事因序其顛末以示後人

### 無隱菴記

吳城迤西多名山方外士每擇其山水佳處以  
為安禪之地由靈巖至支硎十里而近中間平  
岡峻嶺迤邐相接昔履中禪師築精舍於其間  
曰無隱菴其後菴主迭更有不肖者廢其業結  
訟在官嘉慶初吳令吳公之誠斥去故僧別選  
梵行清高者於是菴歸澄谷風公而風公  
先為尺木彭居士主吾與菴因令其徒涵虛上  
人分主其地其菴左右皆山依岩結屋中為問  
梅堂堂之前有老梅花時香雪盈庭堂左為飛



雲閣閣外古藤老木翳蒼陰森其旁曰靜觀室  
中奉觀世音菩薩室外聚石為臺泉出石間曰  
瓢豐泉泉流曲折行石間曰瀉雪澗匯而為池  
曰金蓮池旁有小軒曰湧月軒喬松百尺山風  
時至颯颯作海潮音松下有靜室曰清籟寮修  
竹一林回廊繞之曰倚碧廊菴之大略如此此  
皆諸檀越為涵虛上人所修築者也吾聞如來  
在世不肯在桑下三宿恐其生依戀也將大地  
山河皆空虛無有而何有於一菴然舍衛有  
給孤有園雖在荒郊萬里之外而中國之人猶

津津能道之蓋因佛而重也此菴自履中開山  
以來不知凡幾幾主昔之人無聞知而自歸風  
公後其地遂為吳中名勝之區士大夫游西山  
必過而訪焉以想見風公之高致幾與支硎林  
公同此不朽豈非地以人重耶後來者清修梵  
行毋忘舊德庶幾長為山靈所呵護也



重修大雲菴記

吳城東南隅有古刹曰大雲菴元時善慶和尚  
開山後有僧名吉草菴者住持於此俗遂為  
結草菴其地在府學之東平野空曠竹木叢生  
西距滄浪亭宋蘇子美幽棲之所南望先農壇  
封疆大吏歲修耕藉之禮於此東為平疇阡陌  
交錯葑溪之水自東來環寺門而西行地雖當  
闕闕之間而幽深綿邈有山林之趣菴之興廢  
者屢矣近有蜀僧達玲居之玲公受澹菴老人  
受記發願興修嘉慶戊辰己巳間募築石墻一



百六十餘丈濬放生池修石塔庚午建大悲閣  
至癸酉而訖工舊鐘已啞募工重鑄戊寅建觀  
音殿其大殿山門歲久朽敗復自道光辛巳至  
丁亥積七年之力銖積寸累次第完繕之由是  
大雲故跡頓還舊觀昔日象教東來梵宮琳宇  
遍滿中國然南朝四百八十寺今日存者有幾  
總緣世無善知識故法席凌替而不振今結草  
庵區區之地玲公獨能傾動一時但澶施之集  
興廢舉墜以酬其本師澹菴老人之志可謂緇  
隆無替者矣余家距菴不一里暇日杖藜至此  
適當茲菴落成之秋因為記其興脩歲月於石  
俾後之人有考焉



營泉寺記

竹菴大師住持嘉興楞嚴方丈十五春秋矣。注  
嚴佛土。結集經坊道場香潔百廢具舉。一旦愾  
然曰。我佛如來不於桑下三宿。懼其愛心生也。  
吾獨胡為久居於此乎。乃以楞嚴法席付其徒。  
覺圓而自已移錫於營泉古剎。按嘉興地志。營  
泉寺在桃花里。自城西南行五里而遙。在野田  
草莽之間。四方賓客車轍馬跡之所不至。非如  
楞嚴寺在闐闐囂塵之地。冠蓋輻輳而士女奔  
走也。古之修道者入山。惟恐不深入。林惟恐不



密師之舍楞嚴而就營泉殆有取於山深林密  
之意耶考營泉寺肇基於南宋景泰元年歷經  
六百載亦屢興屢廢矣明季燬於倭寇之亂西  
江白法琮公由楞嚴退居於此重新之土人呼  
為小楞嚴今師以治楞嚴之法治營泉佇見緇  
素皈依若水赴壑法會中興必能重振琮公之  
遺緒與楞嚴相頡頏之者昔者善財童子參至  
彌勒尊者而華嚴樓閣彈指即現今營泉寺之  
興復也時節因緣意在斯乎余老矣不能芒屨  
竹杖親訪營泉之勝蒙師屬為記惟有如天宮

化城得之於想像之中而已



張節婦祠堂記

嘗讀詩至柏舟之篇而不禁悚然也。衛風之變也。新臺牆茨醜著。宮闈桑中淇上之譁相繼。並作其風俗敗壞。至于此極。而共姜獨能守夫婦之義。呼天自誓。矢死靡他。然後知秉彝之德。出自性生。固非習俗所能移也。易曰。有夫婦然後有父子。孔子序詩。必始關雎。誠以夫婦者人倫之首。伉儷之制定。自犧皇一與之。齊終身不改。自古聖帝賢王之治天下也。常於此兢兢致意焉。國朝定制。凡婦人年齒未及三十而夫亡。



守節至三十載之久者有司告于朝而旌表之。而吾鄉張節婦寔膺斯典。節婦姓湯。父雲俊。清門令族。節婦生而貞靜。恪守閨訓。年二十有一。適儒童張德馨。越五年夫死。零丁無所倚。孀姑老邁多疾。子閨生甫三歲。仰事俯育。節婦以一身肩之。侍姑十六載。饒必親供。起居溫清。婦道而兼子職。里黨稱其賢。自課其子。藉十指以給薪水。閨生稍長。即令習業。治生為之授室。聘名門滕氏之女為婦。其於舅姑及夫。葬祭皆如禮。凡守節四十餘年。克勤克儉。治家有法。年

七十而終。當其未沒時。閨生欲為母請旌於朝。節婦不可。曰。夫亡守節。婦道之常。安可以是為名。既歿。閨生不忍其母名節不彰。乃陳詞有司。朝廷旌表如律令。其後十五年。為道光戊子。閨生乃卜地於長洲桐涇毛家橋側。門標綽楔。奉主於堂。春秋享祀焉。予在道光初。纂脩郡志。錄列女千有餘人。而節婦未及知。洵乎蒐訪之難也。今既知其事。而又值本家建祠之際。閨生以記為請。其可默爾而息乎。因述節婦本末。并記建祠歲月於石。以補志乘之闕云。



顧氏祠堂記

吳城西北隅地名花溪舊有顧氏家祠奉貞孝先生香火歷有年矣祠堂南向五楹四圍皆它姓所居旁門東啓規模未備乾隆庚戌冬鄰屋燬於火其廢址隙地皆歸於祠歲月逡巡未遑興作貞孝曾孫有官布政使者亦僅祔於貞孝之室未立專祠道光乙酉方伯之子竹坡倡率族人捐田入祠以供春秋祭祀之費又積其餘息修理祠屋於東偏建立方伯專祠於西偏建祠三楹以奉合族神主南向開門正其闕闕又



市官中廢地築高墉以為屏障祠之前鑿地為  
沿掘土尺許即有清泉湧出池既成報恩寺塔  
倒影水中又以形家言在祠中築樓一座以為  
升高望遠之所工既落成竹坡屬其孫沅請記  
於余余惟貞孝先生當明之季以文章行誼重  
於一時如古所謂鄉先生沒而祭於社者三傳  
而至方伯以名家子起家為雲南通海令歷階  
至於藩翰於浙於甘於閩於粵所至有政績威  
信及於其民迄今彼都人士無不欲尸而祝之  
俎豆於賢人之間而况乎子孫抱春秋霜露之

感則專祠致享禮亦宜之若夫地中有水於易  
象為師師之為義大也衆也繼自今顧氏子孫  
椒聊繁衍誦清芬而揚駿烈以昌大其門閭皆  
於此卜之矣貞孝先生諱國本方伯諱濟美竹  
坡名增光例皆得書俾後之人有所考焉



選

同善局碑記

姑蘇城東出葑門不一里有呂祖祠鄉人於中設同善局其局釀衆善姓之金積於中凡遇寒者施之衣病者施之藥婦人之孀居無依者周之人死而不能斂者施之棺不能葬者收埋之有董事各司其事其局創始葑於葑溪彭而謀樓頭李氏繼之鄉之樂善好施者共贊成其事有年矣道光初有呂君東林因室人之病禱於神依方服藥遂獲康強於是捐金大興土木之功塗茨丹雘因舊謀新拓祠復隙地以為圃



疊石為山。巋然而高。峙引泉為池。淵然而安。流  
構以曲室。繞以脩廊。由是游其地者。皆有宴息  
之所。祠中有小閣。奉呂祖香火於其上。一夕閣  
下素壁忽現這裏來三字。擘窠如斗大。詢之人  
人皆不知其所自來。於是衆誼傳以為仙跡。勒  
其字於豐碑之上。植之閣前。觀者皆歎祖師靈  
爽。以為不可思議。道光九年。東林索予記其事  
於碑陰。予維。軋為天德。常以美利和天下。而林  
林之衆。不能盡人。而存順沒寧。則愁苦顛連。無  
告之人。必有以噢咻而安全之。聖賢仙佛。皆以

天地之心為心。故常以救災恤患為事。人能各  
出其力。救人之灾。恤人之患。此為善體天地之  
心。而亦即聖賢仙佛之心也。聖賢仙佛以利物  
濟人為心。而必藉生人之力。而後行此祖師所  
以顯示靈異。以堅人樂善之心。與今在局諸公  
奉行衆善。但能久久。而無倦。則積善餘慶。未有  
涯涘。而區區土木之華。香火之盛。乃菩提達摩  
所云。人天小果。有漏之因。轉不足多述也。



臨頓新居圖記

蘇城東北隅有臨頓里。里中有鑿駕巷。今人呼為鈕家巷。卽古之鳳池鄉也。有鳳池園。在焉。園初為顧氏別業。康熙間。故宗人府丞顧沂葺而新之。嘗記其山池屋宇之盛。後其園入唐氏。旣而唐氏子孫不能守。歸於今尚書潘芝軒先生。尚書令子功甫繪為臨頓新居圖。徵予為之記。予披圖而攬園之勝。清流繞屋。花竹交映。有亭翼然。背山面水。曰鳳池亭。燕居之室。環擁圖書。喬松如龍。亭亭霄霓之表。曰虬翠居。岑樓聳然。



高出林表。芳華迎春。繁英如雪。日梅花樓。樓下粉垣迤邐。修廊環之。日凝香徑。芳堤夾水。平橋通步。飛泉漱石。聲如鳴玉。日有瀑布。聲幽房邃。室衆喧不到。日蓬壺小隱。泉出石間。味甘如醴。日玉泉。蘭寮東啟。空明無碍。日先得月處。枕水作屋。中貯法書名畫。日烟波畫船。竹木交蔭。萬綠如海。日綠蔭榭園之勝。大略盡於此。予嘗觀古今士大夫。志在榮觀。繫心華臚。畫其形。壽。馳騁於名利之場。雖其家有園林池館之盛。而終身不及一至者。有之。功甫門第通華。芥拾科名。早登仕籍。職居禁近。方將致身青雲之上。一日千里。而乃惟一邛一壑。是愛繪圖徵詩。一而再。再而三。此其中必有自得之趣。非夫流俗人所能知也。羣公賦詩斐然成章。因為小記以附於後。



守渝記

嘉慶己未余出守重慶時白蓮教妖人作亂余奉經畧大臣檄總理川東軍務明年正月賊人雷士旺冉天元二股領衆五六千人由開縣擾及重慶初九日至江北靜觀場余聞警即親赴江北鎮集其衆而告之曰賊踪雖近此鎮有城可守爾等勿輕動吾有船三百號泊魯般廟城果危不能守吾當以舟接汝等過江若不俟吾號令而擅動者必以軍法從事衆皆應曰諾余又調渝城兵三百名赴鎮協同防守由是人有



固志賊亦不敢犯其渝城有兵二千余盡令出城劉二營於浮圖關扼賊北來之路其防江則調鄉勇一千五百人分為三營檄委舉人劉國輔武生袁凱監生汪文元分領之設卡江干相去十里為一汛彼此會哨聯絡聲勢江中渡船皆拘泊南岸初十日賊至江北鍋廠袁凱等乘夜以砲隔水擊之殺賊三十餘人有一賊騎馬游奕江干砲穿馬腹過折賊一足生擒之賊氣餒遂焚屍而遁所擒賊姓甘雷士旺之副也解送軍門伏法賊衆既遁遂走上游石板沱偷渡

嘉陵江擾及川西諸州縣歷十旬至夏官兵大集冉天元被擒賊始退回川北五月有旨詢重慶防守官職名督府具以聞余因蒙恩加道銜方余之守城也城中紳士問計余曰渝城三面臨江金湯險固苟無奸細內應賊不能破也於是申明保甲之法設十家牌每夜輪一家守夜城中禁夜行天嚮晦居人即閉戶城上雉堞各燃燈一盞達旦賊知有備不敢犯自正月戒嚴至五月而解嚴城中人恃以安堵無恐也故記此為後之守土者取法焉



張太宜人節孝事實記

古之人讀書稽古必左圖而右史蓋史以傳其事而圖則繪其儀容凡嘉言懿行觀者一披圖而如見其人雖十世百世而後猶流連感慕焉而不能置是故孝子慈孫之心不忍死其親者尤必於此兢兢致意焉上海王君伯仲文源文瑞少孤依其母張太宜人恩勤鞠育以至於成立宜人既沒乃輯其行事募善繪事者畫成圖象十二幅壽諸樂石而索予為之記予惟婦人之義無成有終當其伉儷相莊齊眉偕老此固



人事之常亦人倫之樂設不幸而遭其變一旦  
失其所天則煢煢孤立形單影隻悲玉樹之長  
眠傷瓠瓜之無匹生人惇獨難堪之境無有過  
於此者此柏舟之詩所以見錄於宣尼也然如  
席豐履厚之家仰事俯育綽然有餘尚可謂存  
順而沒寧若夫食貧居賤家無儋石之儲上有  
衰親下有黃口之兒以婦職而兼子職以慈母  
而兼嚴父則尤難之難矣故 國家功令於苦  
節尤加獎焉今宜人當先大夫棄世之時春秋  
纔二十有七室如懸罄藉十指紡績以自存而

能撫其二子以養以教以至於成人飲冰茹蘖  
垂六十年之久卒致家室素封光大先人之業  
孫曾滿前壽臻耆耄高朗令終非積善餘慶安  
能如是耶惟宜人有是德故有是福也禮經之  
言孝子也曰思貽父母令名必果王君伯仲之  
為斯圖也將使母氏劬勞之德誦行奕世而垂  
令名於無窮也豈止尋常風木之感而已哉是  
為記



第一回  
話說那日  
正是三月初  
三日  
上巳日  
水滸傳  
卷之四  
第一回

金釵繡像 玉腕拈香 春風輕暖 燕子初歸 正是良辰美景 且說那日

春風輕暖 燕子初歸 正是良辰美景 且說那日 金釵繡像 玉腕拈香

春風輕暖 燕子初歸 正是良辰美景 且說那日 金釵繡像 玉腕拈香

春風輕暖 燕子初歸 正是良辰美景 且說那日 金釵繡像 玉腕拈香

春風輕暖 燕子初歸 正是良辰美景 且說那日 金釵繡像 玉腕拈香

春風輕暖 燕子初歸 正是良辰美景 且說那日 金釵繡像 玉腕拈香





